

宋

會

要

全唐文

宋會要

郊祀

真宗景德三年十月二十四日內出睚上后土廟圖令
陳堯叟量加修飾仍詔汾陰壇后土黃琮神州地祇兩
圭有邸令文思院以美玉製之十二月二十四日詳定
所言所用玉幣望下太府寺少府監製造供用又車駕
還鞏縣日道次設幄殿皇帝服韡袍設香酒時果牙盤
食遙拜諸陵命大臣以香幣酒脯詣致告后陵即別差
官並詔恭依 神宗元豐六年十一月五日親郊命吏
部尚書奉玉幣從皇帝至昊天上帝神座前奠鎮圭奠
玉幣次詣太祖神座前奠圭幣一如元豐四年禮院言

儀

宋會要

高宗紹興元年二月五日詔祀天玉以蒼璧皇地祇以黃琮感生帝以四圭有邛神州地祇太社太稷以兩圭有邛止依方色奠幣權不用玉

時闕玉權宜也

八月七日詔祀

神玉令文思院製造蒼璧黃琮高慮數少更降玉璧一塊可相度添用 八日參知政事張守奏蒙降出蒼玉璞已送文思院上曰所從買家知是大禮所用頗邀厚價朕以祀天不可計費四年四月十六日太常寺言大禮依儀合用禮神真玉除昊天上帝皇地祇已有蒼璧黃琮外其餘五方帝日月等玉依天聖故事用珉從之

以臣僚言明堂大禮如非祀禮賞軍其他冗費每事減節故也

宋會要

紹興十三年十月禮部太常寺修立郊祀禮儀祀日丑前五刻太府卿帥其屬入陳幣於篚少府監陳玉各置於神位前昊天上帝以蒼璧皇地祇以黃琮青帝以青珪赤帝以赤璋黃帝以黃琮白帝以白琥黑帝以黝琥即祖避聖諱璜神州地祇以兩圭有邸日月以珪璧五嶽以兩圭有邸皆盛於匣昊天上帝配帝幣皆以蒼皇地祇以黃日月內官以下各從其方色祀日質明行事皇帝升壇詣昊天上帝神位前跪奠鎮圭興又跪內侍加玉于

幣以授吏部尚書吏部尚書以授左僕射左僕射西向
跪以進禮儀使奏請受玉幣皇帝受奠訖吏部侍郎東
向跪受以興進于昊天上帝神位前次詣皇地祇太祖
太宗神位前奠鎮圭玉璽並如上儀配位唯不奠玉皇
帝東向受幣左僕射北向進吏部侍郎南向受以奠於
配帝神位前至賜酢再拜訖吏部侍郎帥太祝執篚進
取幣降詣柴壇升置燎柴諸大祝又以神位幣帛從燎

宋會要

孝宗乾道六年閏五月十四日中書門下省檢正左右
司言郊祀事務合歸有司者乞並不申三省其禮部備
申朝廷降旨者如檢舉排辦事務依前郊大禮左藏庫

供應幣帛望自今本部徑下太常寺照例報所屬排辦
從之 寧宗嘉泰四年十月九日吏部侍郎兼侍讀顏
棫等言臣等近因進讀高宗皇帝聖政至紹興元年八
月辛未降出蒼玉璞付文思院上曰賣者知是大禮所
用頗遼厚價狀以祀天不當計費上喜見玉色臣讀畢
因奏曰近者竊聞有以四圭有邛來獻陛下者陛下即
以付之奉常其事正與光堯相類陛下顧謂臣曰卿曾
見來此中原舊物極大且厚色甚溫潤又顧臣棫等天
顏悅甚臣又奏高宗皇帝得蒼璧而喜陛下得圭邛而
喜豈以得玉為喜蓋誠於奉天故喜於得祀天之器况
又中原故物湮沒七十年間陛下一旦得之正以至誠

所感耳乞降付史館書之簡策從之

宋會要

七年正月十三日禮儀院言南郊合祭天地太府寺供幣七十八段除正位十三段外自餘施於內官則有餘用於中外官殺濟則不足竊尋禮制內外海嶽率從方色欲望皇帝親祠吳天上帝皇地祇配帝五方帝日月神州天皇北極及內官五十四中官百五十九外官百六殺鎮海瀆十八請並供制幣各如方色著為定制從之

宋會要

徽宗大觀四年四月二十八日議禮局言周官肆師立

太祀用玉帛牲牲立次祀用牲幣立小祀用牲牲之有幣致酬酢之義以飲酒之有酬幣也七祀在周官亦祭於宮中蓋羣小祀之比則祀不用幣亦可知矣先儒謂小祭祀王^元冕所祭也今祭七祀用特牲^牲而所服止於^元冕乃有奠幣之儀於禮不稱夫幣之通制一大八尺大祀次祀小祀無不用焉則祭饗之間何以別之望依開元開寶通禮七祀不設奠幣焚幣之儀他小祀准此以合周官肆師立祀之意從之

宋會要

政和四年四月十四日禮制局言古者祭祀禮神無不用玉周官典瑞掌玉器之藏蓋已事則歲有事則出而

復用未嘗有燔瘞之文其說起於鄭氏注與韓詩外傳
崔氏義宗三家謬誤鄭氏注周禮大宗伯以禴燎祀司
中司命謂玉帛燔燎也又大宗伯以狸沈祭山林川澤
鄭氏注謂埋牲玉也則周官本無用玉而燔燎之文又
詩稱告祭柴望書稱至於岱宗柴禮記天子適四方先
柴又曰燔柴於泰壇皆止謂以柴為燔而韓詩外傳謂
天子奉玉升柴加於牲上而燔之意外增加用玉豈有
六經止說燔柴如此之詳而無一字及玉者其後崔氏
又引雲漢之篇稱圭璧既卒以為燔瘞而蓋故至於無
其說愈繆戾蓋古者止有祀天燔帛祭地瘞繒之禮以
玉難得故諸侯五玉既覲乃復還之在三代時玉已難

得而祭祀用玉之數為多其不燔瘞可知乞依周禮正
經並不燔瘞今後大禮及諸常祀皆以真玉為禮神之
器仍依周官典瑞之職掌其藏時出而用無得燔瘞從
之四月二十六日太常寺言夏祭大禮格皇帝祇玉以
黃琮二神州地祇用兩圭有邸二議禮局降到儀注皇
地祇玉以黃琮神州地祇五嶽以兩圭有邸案周禮典
瑞兩圭有邸以祀地旅四望本寺歲祭四望嶽鎮海瀆
各用兩圭有邸若以大禮格即嶽鎮海瀆皆無用玉之
文若依議禮局儀注并歲祭四望即皆合用兩圭有邸
詔送禮制局議定禮制局言周官旅上帝四望皆謂非
常之祭則嶽鎮海瀆從祭大祇不當用玉紹聖親祀北

郊儀注皇地祇以黃琮神州地祇以兩圭有邸綴鎮海
瀆亦不用玉則今來夏祭合依大禮格皇地祇神州地
祇用玉外餘並不用兼看詳周禮圭璧以祀日月星辰
新義云日月星辰以璧為邸則四圭邸璧可知四圭邸
璧則兩圭邸琮可知先儒之說兩圭有邸亦以璧為邸
其禮非是合依新義兩圭邸琮從之 五月五日禮制
局言祭祀始則求神而禮之終則正祭而祀焉大宗伯
以黃琮禮地蓋施於求神之時也與大司樂以函鍾為
宮至地亦皆出可得而禮同矣典瑞兩圭有邸以祀地
蓋施於薦獻之時與大司樂奏大簇歌應鍾舞成池以
祭地同矣鄭氏乃謂以黃琮禮地神之在崑崙者兩圭

有邨以祀地祇於北郊神州之神且黃琮兩圭有邨周
官特言禮地祀地而已初無崑崙神州之別鄭氏之說
本於讖緯之書前代如長孫無忌輩固嘗辨其非矣又
況皇地示神州地示同位於一壇之上於皇地示則禮
而不祀於神州地示則祀而不禮豈禮意乎晉徐邈唐
顯慶禮皆爾蒼璧四圭有邨為祀天之玉何獨於黃琮
兩圭有邨而疑之哉國朝祀儀祭皇地示以函鍾為宮
而下為降神之樂以奏太簇歌應鍾為薦獻之樂至於
用玉尚依鄭氏之說未應禮注伏請黃琮兩圭有邨並
施於皇地祇求神則以黃琮薦獻則以兩圭有邨又言
黃琮鄭康成及梁正三禮圖皆謂八方以象地攝崇義

言黃琮比大琮每角各剡出一寸六分共長八寸厚寸
蓋厚寸乃大琮之制而每角各剡出一寸六分共長八
寸於經無見不知崇義何所據而為此說謹案考工記
大琮十有二寸作內鎮宗后守之璧琮有九寸者諸侯
以饗天子有八寸者以頒聘瑑琮八寸諸侯以饗夫人
駟琮有七寸者天子以為權有五寸者宗后以為權其
所用者各異獨不言黃琮廣狹厚薄制度今方澤並用
坤數而黃琮乃禮地之器則其制宜廣六寸厚二寸為
八方而則又言考工記云兩圭五寸有邸以祀地兩圭
之長宜共五寸新義云兩圭並宿一邸則兩圭宜託宿
宗於琮也然琮色黃而圭乃不言色由體以起用恐當

郊祀牲牢

用黃琮之色謹案周官大宗伯以玉作六器以禮天地四方而繼之以皆有牲幣各放其器之色牲幣且當放玉之色則圭之色獨可以異於琮邪伏請兩圭並以黃玉為並從之

宋會要

牲牢 古者大祭祀之牲牲先期三月殊養之國朝大中小祠皆前一日有司供於祠所太僕寺掌供羊牛司農寺掌供豕太祖建隆四年八月二十九日有司上言準禮宗廟之牛角握天地之牛角齧粟太廟四室各用犢吳天上帝用犢一皇地祇及配帝用犢一一加羊豕各一五方帝用隨方色犢各一大明亦犢一夜明白犢一神州地祇黝犢一皆有羊豕從祀中外

官而下共用羊豕各九周顯德元年郊祀太廟四至共
用犢一郊壇用犢羊豕之數如故頗異舊制詔太廟宜
用犢二郊壇宜用犢五羊豕如令 開寶元年十一月
十四日冬至親郊詔有司宗廟共用犢一郊壇用犢牲
如周制二年六月二十九日詔大祀所供犢自今委牛
羊司養無得闕事其常祀惟昊天上帝皇地祇用犢
自餘大祀悉以羊豕代之七月二十一日牛羊司上言
本司無犢牛望仍舊委開封府收市詔自今每犢給錢
五千復委開封府祇應 太宗淳化三年九月二十一
日侍御史王洞上言諸祠祭並用少牢其羊並太僕寺
於牛羊司請重二十斤以上者近日供到多是瘦瘠臨

時既難換易供用便為虧禮况闕進胙誠合用心自今
望令本司以肥腍者充如有違慢望行懲責從之四年
正月二日親郊以宣祖太祖並配上帝增用犢四真
宗咸平二年十一月丙戌南郊正位二配位二每位用
犢一羊一豕一五方帝每位用羊豕一日月神州每位
羊二豕二從祠七百三十七位皆不用牲並以上件羊
豕分充用幣帛七十八段天帝配帝日月五方帝神州
外餘六十六段五年六月上甲始庀牲十月上甲始繫
牲 景德三年十二月二十日詳定所言准禮例后土
地祇用黃牲一配帝二座用黃牲二神州地祇用黝牲
一並爾栗犢及從祀羊豕各五仍各置副使預先滌養

四年十月十二日詔自今應用犧牲歲初委擇純色別
養養之太常寺察舉在滌無得種朴一如舊典中小祠
止用肉者並加羊一 大中祥符元年七月四日詳定
所上言南郊正位二配位二每位用犢一羊一豕一五
方帝每位用羊一豕一日月神州每位羊二豕二從祀
七百三十七位皆不用牲並以上件羊豕分充今參詳
准手詔五方帝日月神州並特用方色犢其舊用羊豕
二十二望改充從祀牲從之 八月四日詳定所上言
准光祿寺牒景德二年南郊天皇大帝北極二位并在
第一等與日月五方帝神位同用十籩十豆封禪日未
審用何等禮料今參詳日月五方帝神州地祇准禮用

犢天皇大帝北極元是星座准禮不用犢封祀日欲望
令光祿寺於從祀牲內薦體其籩豆禮料依第一等神
座例從之 三年三月詔自今十坊監車營務乳酪院
諸園苑開封縣西郭省莊有孳生純赤黃色牛犢別置
欄圍餵養准備揀選供應如養飼可充用者每一犢省
莊人戶支錢三千坊監二千逐處有新生犢即申省簿
記關太僕寺逐祭取索供應 四月二十四日詔自今
祠祭豬羊宰殺分為四段入房封鎖至時請出更不用
火印仍令監祭常切點檢稍有怠慢罪在監祭使 仁
宗天聖元年十二月詔自今每禁屠宰日限內有祠祭
據合用內依仍宰殺供應即不得宰過所用數 二年

三月詔供庖務牛羊司自今據司農寺合要祠祭諸數預先收買及式樣純黑長尾肥好豬破糟食子粟飼養供應如後更供瘦病不完具者主典當行嚴斷仍令開封府每年舉行指揮 景祐五年四月三日三司言祠祭用犢預先并毋豢於牛羊司候祭訖犢支錢五千毋給本主今後乞并毋給錢免妨耕種從之 嘉祐七年

八月一日翰林學士王珪等言准詔詳定秘閣校理裴煜奏五方及七感生帝皆大祠其從祀牲用羊一豕一措祭正位從祀一百九十有三牲用羊二豕二釋奠雖曰中祠文宣王配位從祀九十有三武成王配位從祀七十有五各用羊一豕一其割割殆不編足禮院請祀

五方感生帝禘八神釋奠文宣王武成王從祀者衆其
用牲既少俎實幾不能充今宜加五方感生帝羊二豕
二禘百神羊五豕五文宣武成王羊三豕三請如禮官
之儀詔恭依

宋會要

十月十二日詳定郊廟奉祀禮文所言熙寧祀儀正月
上辛祀感生帝孟冬祭神州地祇牲用羊豕宜俱用犢
而去羊豕從之神羊元豐五年二月癸酉監察御史王栢言
祭祀牢醴之具皆掌於光祿而寺官未嘗臨蒞失事神
之敬伏請大祠皆輪光祿卿少卿朔祭及中祠輪丞主
簿監視並從之 哲宗元祐六年正月詔自今祠祭毋

用羔羊從禮部請也紹聖三年禮部侍郎黃裳言北郊配帝牲用赤與南郊用牲不同帝王德配天地則其牲幣宜從所配請皆用黃從之徽宗大觀元年八月七日詔京畿轉運司於近畿擇地置官設徒養牛千頭以備祠饗有餘供他用

故事祭用牛今畿縣科買言者謂擾民故有是詔

宋會要

九月十四日又言禮記曰郊特牲而社稷太宰中又曰祭天地之牛角繭栗蓋以覆燾持載之功無物可稱故至恭不壇掃地而祭以下為貴也大裘不錫禮而冕無旒陶匏之器橐鞬之席以素為貴也用繭栗犢取其誠慤以小為貴也特牲而已不及羊豕以少為貴也配坐亦特

牲以其祖遠而尊故以天道而事之書曰用牲於郊牛
二春秋傳曰養牲養二卜是也嚴父明堂則有牛羊以
其禰近而親故以人道事之詩曰我將我享維羊維牛
是也孔安國不原於此乃曰郊以后稷配后稷貶於天
有羊豕殊無經據本朝儀注昊天上帝皇地祇太祖皇
帝之坐各設三牲俎不獨配位誤用羊豕而正位亦不
專用犢非尚質貴誠之義伏請改正親祠園丘方澤正
配位皆用犢不設羊豕俎及鼎七有司攝事准此從之
三年六月十三日詳定郊廟奉祀禮文所言謹按古
者祭祀用牲有豚解有體解薦腥則解為七體薦粢則
解為十一體記曰腥其俎熟其斂鄭氏曰腥其俎謂豚

解而腥之熟其穀謂體解而爛之孝子不知神之所享
故薦腥而薦熟以備古今之食所謂豚解者四髣去蹄
殊其肩髣如解豚然也髣合升蓋吉祭升右髣非吉祭
升左髣特豚則左右髣合升士冠禮曰特豚載合升是
也周人貴肩而賤髣若薦熟升一髣則髣不升若薦腥
左右髣俱載則髣亦升晉公彥曰凡言合升皆并髣升
若體解升者髣不升是故先儒言吉祭薦腥七體謂兩
髣兩肩兩肱并卷也其髣與肩肱皆左右髣俱用以其
解之如解豚則合載亦當如升豚矣至薦熟俎惟用右
髣髣不升而體解為十一體即用朝踐所薦七體沈於湯而體解之餘卷全用外

其有體

唯解古髣肩臂臑肱肱正脊一髣脊一橫脊一短脊一

正脅一代脅一皆二骨以並周官內饗辨體名肉物凡
宗廟之祭祀掌割亨之事外饗掌外祭祀之割亨陳其
鼎俎實其牲體諸子大祭祀正六牲之體謂此也今親
祠南郊正配位之俎用牛羊豕之足各一用肉各一大
廟每室用羊豕之足各一用牛肉各一至饋熟又鬻三
牲之肉各一不殊左右胖不分骨之貴賤無豚解體解
之別伏請自今郊廟薦腥之時解其牲兩解兩肩兩脅
并脊為七體左右胖俱用共載于俎則以兩解在兩端
兩肩次之兩脅次之脊居中皆進未至薦熟沈肉於湯
止用右胖解不升前體肱骨離為三曰肩臂髀後體股
骨去體離為二曰肱胫其足附謂之肱前脊二骨謂之

神俎所不用

肱

正脊其次直者二骨謂之脰脊又其次闕於脰脊者二骨謂之橫脊所謂脊從前為正而脊先前也脊最後二骨為短脊旁中二骨為正脊最前二骨為代脊所謂脊旁中為正脊先後也若升于俎則以肩膊在上端膊胛在下端脊脊在中央其載之次序則肩也臂也膈也正脊也脰脊也橫脊也代脊也長脊也短脊也膊也胛也此十一體在俎之序謂直依此設之少牢禮曰下利升豕其載如羊昏進下鄭氏曰進下變於食生也所以交於神明不敢以食道賈公彥曰公食大夫鄉飲酒牲體皆進腠腠是本是食生之法此言進末末為終謂骨之終是食鬼神法故云變於食生也今骨體升俎進於神

座之前伏請依少牢禮皆進下又言古者堂上既朝踐然後退而合亨亨人以鶩者朝踐所薦腥爛牲體更鶩於鑊令熟乃薦今來若俟更鶩熟方薦則恐稽緩欲乞以牲體肩臂臠肫胙正脊脰脊橫脊長脊短脊代膾分割骨節各以其半為腥俎半為熟俎腸胃膚俎亦然並從之元豐元年八月又言請凡天神之祀昏燔牲首以報陽凡地祇之祭皆瘞牲左解以報陰凡薦享大廟皆升首於室從之三月太常寺言郊廟奉祀禮文所言應火中小祀正配合依禮解牲體腥十一體熟諸祀每位以羊一豕一方得牲體數足高棋等四位循例共羊一豕一獐一解牲體不足今欲諸祀正配位用全體解

割餘從祀位並分設位神俎內兩師有正配兩位見用
羊一豕一乞各增其一並從之

宋會要

五年二月癸酉監察御王栢言國朝南郊太廟儀注雖
有太常卿宗正卿省牲之文官惟太祀巡牲而已其省
鑊則以光祿卿而又未嘗視腥熟伏請祭前一日禮部
尚書侍郎省牲光祿卿奉牲告充備禮部尚書省鑊祭
之日禮部侍郎視腥熟之節從之又言應緣親祠告天
地宗廟社稷並依令用牲從之哲宗紹聖三年六月
二十七日權禮部侍郎黃裳言北郊配帝之牲用赤與
南郊用牲其色不同竊以帝王德配天地則其牲幣宜

從所配之色請皆用黃從之 徽宗大觀四年四月二
十八日議禮局言古者天子必有養獸之官遂人授之
牧人牧人授之充人擇其毛而卜之吉然後養之三牢
芻之三月封人歌其肥腠而宗伯省其純全然後用之
飲之至也故記曰帝牛必在滌三月春秋傳曰饑鼠食
郊牛角過有司也展道盡矣其所以備災之道不盡也
言省牲而知傷是展察之道盡也牢閑不謹傷之者至
是備災之道不盡也古之養牲一月在外牢二月在中
牢三月在明牢天時成矣然後以為天性也又其養牲
也必養二帝牛不吉則以為稷牛乃復取稷牛而用之
大祀犧牲其嚴如此今郊廟所用牲檢雖已專置滌宮

然未嘗易牢也。乞命有司，毛其純色，芻之。三月，月易一牢，以應在滌之義。中祀六十日，小祀三十日，皆考古法。庶協禮經從之。政和四年四月二十一日，太常少卿林震言：祠祭用牲，未嘗徧省，恐失滌養之本意。伏請自今以一祭合用牲數，並加省視。畢然後告充，告臚如常儀。五月九日，太常言：夏祭親祠，升四鎮海瀆十三位於第二成，乞增用牛豕各三。今後常祠皇地祇，依此從之。八年十二月，國子監丞兼權太常博士王普言：國朝郊祀天地，用犢而社稷宗廟與大饗明堂用牛羊豕，皆合於古。巡幸以來，禮文草創，天地之祭止用少牢。此權時之宜，非循舊典。迹因大臣所請，乃詔有司依舊制用。

太牢緣大牢係牛羊豕唯大饗當用所有冬祀夏祭祈
穀雩祀正配位止合用犢欲乞並依舊制時太常寺申
言來年正月一日上辛祈穀祀上帝合用正副牛犢共
四頭并母係角繭栗純黃色雄犢欲下兩浙轉運司於
臨安府并所隸州縣官買兼每過祀天地牲牢前九十
日送牛羊司入滌仍乞以後依限收置並從之

吉禮

郊祀職事
大禮五使

宋會要大禮五使

祭祀行事官淳熙三年九月二日詔郊禮在近合差官
行事所攝官稱其間有合沿革可令禮部太常寺討論
議定申尚書省九月十四日詔以參知政事龔茂良為
大禮使參知政事李彥穎為禮儀使同知樞密院事王
淮以為儀仗使簽書樞密院使趙雄為鹵簿使武泰軍
節度使開府儀同三司充萬壽觀使曾覲為橋道頓遞
使並以職事為序更不置司合行事令三省禮房再行
後同此制十七日禮部太常寺言開寶通禮皇帝冬至
祀圓丘行事所攝官稱係太尉掌誓百官侍中進玉幣
并奏請致齋及輦輅前奏請并用侍中至政和新定官

制以左輔右弼太宰少宰易侍中中書令左右僕射之名以五禮新儀大禮行事攝官稱用太宰少宰左輔攝事至靖康元年詔三省長官名可並依元豐官制自紹興元年至乾道六年大禮行事所攝官稱依舊用左右僕射侍中乾道八年詔改左右僕射為左右丞相及侍中中書尚書二令並刪去乾道九年郊祀大禮以左右僕射及侍中並改稱左右丞相前項所攝官稱典故沿革不一令參倣上件禮例掌誓欲依舊例差宰執攝行禮曰進玉幣爵酒欲依舊差執政攝萬三日奏請皇帝致齋車駕自太廟詣青城輦輅前奏請進接圭兼進飲福酒殿中監近降詔自侍中雖已刪去緣每遇大禮進

接主兼進飲福酒殿中監亦差官攝事參做上件禮例
並用侍中攝事責存舊名以備禮文欲依舊例差侍從
攝禮畢肆赦承旨宣制近降詔旨中書令雖已刪去參
做殿中監攝事禮例并開寶通禮用中書令攝事責存
舊名以備禮文欲依舊例差執政或侍從攝從之 四
年十月五日太常少卿齊慶胄言乞照詳國朝典故自
今宗廟祠祭並於宗室使相以下輪次選差非實有疾
不許辭免庶幾祀事益肅班聯可觀乞下大宗正司斟
酌若實年老難於拜跪免差行事其年齒差高可以拜
跪官欲乞並令本司依上件儀制差充五享初獻行禮
其餘差亞終獻等官亦合照應儀制指揮輪差從之

同日太常博士章謙言如同日祠祭御史臺報闕監察
御史從本寺中禮部關吏部輪請六曹郎官攝並不許
辭避更不降敕如在散齋之內闕監察御史除初獻外
如本祭有郎官即請郎官攝監祭行事如無郎官欲從
上請官一員攝行在釐務官浙西安撫司臨安府屬官
差免祠祭行事內無齋舍及無本司者聽於鄰近寺觀
致齋前一日質明赴司所每遇祠祭祇應人前夕須管
於祠所附近寺觀澡滂赴祠所祇應不得輒雜祠所諸
色祇應等人如不嚴肅及違犯約束並令監察御史彈
奏無官人送大理寺內祠祭無察官處委本祭獻官檢
察從之

五年三月二十七日太常寺言每遇祀祭依

儀制輪請本寺少卿行事今來太常少卿齊慶冑時暫
兼權侍立修注職事乞依已降指揮先起赴侍立畢徑
赴祠所省饌致齋行事及日後遇祭祀輪請本寺少卿
行事致齋日分內有朝殿亦乞依上件指揮從之先是
國子司業兼太子左諭德兼權起居舍人蕭燧為仲春
上丁釋奠至聖文宣王充初獻行事在致齋內係常朝
日分許起赴侍立畢徑赴齋故有是命 六年七月五
日詔以右丞相趙雄為大禮使樞密使王淮為禮儀使
參知政事錢良臣為儀仗使少傅保寧軍節度使充醴
泉觀使兼侍講史誥為鹵簿使少保寧武軍節度使充
醴泉觀使曾覲為橋道頓遞使既而良臣言五使之序

止以職事為定臣偶備員政府濫在第三史誥以舊學
元老兩登相位今迺下列望改臣所領處浩之次上批
大禮五使以職為序卿見參機政自有前郊體例不須
謙辭六年七月九日詔應被差行事等官如敢依前
託故避免申乞改差之人委臺諫密切覺察具名彈奏
取旨從中書門下省請也十三日太常寺言明堂大
禮前一日朝饗太廟合差南班宗室乞降敕差官施行
從之員數如彛武同日臯叔祖嗣濮王士輅言將來明
堂大禮合差宗室行事士輅見年八十七歲乞免陪位
立班詔別廟初獻改差嗣濮王士輅見年八十七歲乞
免陪位立班詔別廟初獻改差嗣濮王士輅亞獻改差

恩平郡王璩終獻改差保康軍節度使士欽 八月五

日皇城司言明堂大禮從駕臣僚祇應人依格將帶外
其餘應合行事官許帶一名若過數依關入法不以大
禮赦原從之此中明紹興三十一年已降指揮權依大
觀皇城司例十五年八月同此 七年八月二日詔自

今吏戶刑三部郎官免差祠祭如遇關官許於卿監館
職通差以中書舍人施師點言考功侍右勿使兼二四

時祠祭乞與免差故有是命 九年七月十三日詔今

歲明堂大禮少師史浩少保陳俊卿並特令赴闕陪祠
令學士院降詔浩俊卿各以疾辭詔免十二年十月同

九年九月二日詔以左丞相王淮為大禮使右丞相

梁克家為禮儀使知樞密院事周必大為儀仗使參知政事李彥隸為鹵簿使安德軍節度使開府儀同三司充萬壽觀使伯圭為橋道頓遞使 十年八月八日臣僚奏仁宗朝包拯因監祭九宮貴神見以常朝官充攝行事遂引唐天寶中故事為言乞攝太尉者差兩制以上所貴差重其禮以申崇奉之意今所祀九宮貴神三獻官類皆用寺監丞簿以下攝行祭事慮其太輕崇奉未至詔禮部同太常寺看詳今檢照遵用政和五禮新儀差官數內初獻係以禮部尚書侍郎如禮部尚書侍郎或闕依次輪別曹長貳充初獻行事先吏部次戶部之類

十年六月十五日臣僚言臣聞禮典有大祀中

祀小祀之別主其祀者有宰執侍從卿少傅士郎官之
異亦曰尊卑隆殺惟其稱而已矣今或大祀而合主以
侍從者乃代以寺監丞簿中祀而合主以卿少者乃代
以局務官品位邈絕為禮不稱禮非其禮敬何從生祭
而非敬祭何益焉欲望明戒有司自今祭祀委官必當
一遵禮法如果拘於職守適有疾病者須自未受齋戒
之前報聞當差一等班列充代從之 十二年八月五
日太常少卿朱時敏言臣詞祭祀之有齋非虛文也所
以致其誠敬之心求於恍惚神明也散齋七日以定之
致齋三日以齊之散齋於外致齋於內散齋致齋名言
不同在外在內存誠則一蓋使之愈久而愈敬益深而

益嚴耳禮經所戒祭律所禁莫不皆然而今之所謂齋者散齋不廢宴集致齋不廢游觀夫獨不忍數日之不宴游舉禮律而棄之乎祖宗郊丘之歲車駕至青城召侍從觀水嬉登觀警場至神宗以為非致齋所宜罷之至今齋日志止游幸陛下昭事天地孝饗祖宗禮敬百神內則盡志外則盡物得其道矣百官有司豈所當忽望明爾禁戒使各齊心以助精禋祭則受福堂非虛語從之 九月十四日詔今歲大禮皇孫安慶軍節度使平陽郡王擴令陪祠 十月十三日宰執進呈起居舍人李燾奏竊見郊禋之祭命官行事或環列壇垓或周布營壘或執事登降或陪祠左右皆所以尊天禮神然

贊導之吏利於速集往往先引就位以待行禮漏下或
數十刻尚未及期立俟既久筋力有限徒倚疲頓或至
倒側及當行禮多不如儀肅敬之誠何從而生恐未足
以仰承陛下欽崇寅畏之心乞下有司將來祀禮如引
行事等官雖在特前亦須稍近行禮之時方令就位不
將多經時刻使至疲頓務在肅敬無或惰慢庶幾可以
盡事神之禮而不失重祠之意上曰此說甚當朕往日
在潛邸為亞獻時催班亦早時風緊簾踈頗覺難待况
百官既無幕次又上班太早所謂雖有肅敬之心皆倦
息矣蓋引班吏只欲早了他事寧顧時之未可今次只
須先二刻催班卿可論與禮官 十二年十月十三日

詔以左丞相王淮為太禮使右丞相梁克家為禮儀使
樞密使周必大為儀仗使參知政事兼同知樞密院事
施師點為鹵簿使參知政事黃給為橋道頓遞使 十
五年六月十三日權刑部尚書兼侍講兼太子詹事為
郊言當郊之際天地祖宗陛下之所親饗百神從祀遣
官分獻然神有尊卑官有大小不可以不求其稱如天
皇北極神州后土大明夜明與夫五帝五嶽之類居天
地之次為百神之最尊而國家之所甚重者攷之舊比
乃止遣寺監丞簿分詣無乃不稱歟臣嘗求其故蓋宰
執既為五使而侍從卿監郎官又皆在應奉執事之列
故分獻例差寺監丞以下初不問其秩之不等而禮之

不稱也。今秋大饗明堂，既在諒陰之內，太廟景靈宮只是遣官行事，則應奉執事之官自當減省。乞差近上官詣近上神位分獻，庶於禮為稱。禮部太常寺看詳。今來明堂大禮所設神位，係並依淳熙九年外，其兩朵殿分獻官五員，乞差寺監丞以上官充，分獻行禮從之。十五年八月十日詔：以左丞相周必大為大禮使，知樞密院事黃洽為禮儀使，參知政事兼同知樞密院事留正為禮衛使，參知政事蕭燧為禮器使，少傅榮陽郡王伯圭為禮頓使。紹興二年四月十三日，太常少卿耿秉言：祀事以敬為主，每祭必用三獻，以一獻為未足，則再獻，以再獻為未足，則又獻，示誠敬之有加，過三則瀆矣。

初獻以甲充亞獻必別以乙充終獻則別以丙充各先期齋戒以達其一時之敬與神明交庶或饗之竊見祠祭行事官自受誓戒之後或有疾故則以次官兼攝如初獻有故乃以亞獻兼攝初獻如亞終獻有故則以一攝二適莫爵於神之前者此人再奠爵於神之前者又此人慢瀆孰甚焉乞今後三獻官如有疾故則於押樂奉禮捧俎等官內選擇以足獻官之員庶幾三獻各異其人不至慢瀆其獻官之外有闕自從舊例兼攝從之

紹熙二年九月二十五日詔郊祀大禮以左丞相留正為大禮使樞密院事葛郊為禮儀使參知政事兼同知樞密院事胡晉臣為儀仗使大尉保大軍節度使提

舉萬壽觀郭師禹為鹵簿使戶部尚書兼給事中葉翥
為橋道頓遞使 紹熙五年八月十三日以明堂命少
保左丞相留正為大禮使樞密使趙汝愚為禮儀使樞
密院事兼參知政事陳騏為禮衛使參知政事余端禮
為禮器使簽書樞密院事羅點為禮頓使 慶元元年
正月二十三日臣僚言恭遇哲文神武成孝皇帝神主
祔廟陛下親詣重華宮行寧神奉辭之禮然後迎奉神
主即於太廟千官在列百執趨事嚴恭儼恪無或不虔
亦知宗廟重事國家大典不敢輕也然誠之所寓三獻
而已神之鑒否惟是之視今之獻官乃有甚不然者以
錢塘縣尉師遠為終獻官是也事莫重於宗廟官莫卑

於縣尉以至卑之官行至重之事何禮敬之不孚情文之不副也臣按政和五禮新儀太廟別廟親王宗室使相節度使并郡王觀察使以上為初獻宗室止任以上為亞獻今縱闕官何至以一尉通攝乎若以不曾受誓為嫌則以亞獻兼終獻可也令事已無及但借以卑官行重禮不能體陛下孝思之誠無以慰孝宗降鑒之靈耳臣求其教蓋由近上宗室憚於致齋行禮多以疾辭臨時倉猝遂令通攝乞申飭有司自今有事於太廟行事官則依五禮新儀定差有辭疾者則令內侍省押醫看驗庶幾官稱其實副其名祀事孔嚴神明顧享從之 八月二十六日臣僚言竊見近來祠祭每於受誓

宿齋之次所差官以疾辭者率是數人不免委以次官
通攝至有簿尉監當而充獻官者甚不稱陛下咸秩群
祀揭虔妥靈之意竊原人情縱弛前後相襲彈劾未及
得以自肆固是一說然吏部所差員數有限而祠祭無
月無之一旬之間至有三四又有同時數處者如職事
稍冗被差頗併卻有所妨官清務簡莫如館學宜於禮
文所不當畧矧國之大事在祀若視為煩浼不屑為之
臣子之恭豈應有此乞下吏部置籍消注將館學照前
後所差職事體例與寺監等處一等輪差除太學私試
先期將鎖院開院日分報部照應外如所差官託疾推
免當遵承條格彈奏施行從之 三年二月七日臣僚

言禮莫嚴於祀宗廟祀莫重於奉神主柝室肅開擁侍
出入榻位儼設陟降奉安備盡恪恭罔敢失墜此宮闈
令之職也執事匪輕差官宜擇臣備員分察監祭匪一
竊見所差官闈今年齒幼小者率居其半其年未長人
物短小者難於攀取易於乖踈進止周章步趨惶遽職
奉神主豈比他官禮或有違臣實懼焉乞日後遇祭宗
廟應差官闈令必擇長成重厚之人仍不許託疾避免
庶幾謹於執事宜於大體有以仰副陛下寅奉宗廟之
意從之 四月十三日禮部郎官兼實錄院檢討官曾
映言竊惟禮以誠敬為本而寓於周旋揖遜之容故禮
儀三百威儀至於三千而漢之徐生以善為容世世掌

禮若夫祀事則尤禮之大者國家嚴於祭祀郊廟百神無所不盡其敬而奉常贊引之吏比年習玩浸成簡忽凡見於動容周旋往往僅存文具蠶洗之誥水弗及盥而悅儀已畢滌爵之所笏未暇措而贊拭已終神位之前跪方至地幣已代薦酌獻之際爵甫及手奠已至三其升降拾級之忽遽俛伏興拜之迫促若此類者未易悉數祠官進趨之節唯贊引是從彼既一於務速此亦汲汲常若有所弗逮雖欲少加安徐以展誠敬顧何可得恭惟陛下欽崇禋祀務盡肅恭茲方禮行於郊尤宜伸飭誠敬願戒奉常舉凡祀事亟革舊習俾諸薦獻執事之官稍得從容中節詔令太常寺常切覺察遵守如

有違戾令御史臺彈奏 慶元三年八月二十三日以
郊祀大禮命左丞相京鏜為大禮使保寧軍節度使開
府儀同三司充萬壽觀使韓侂胄為禮儀使參知政事
兼知樞密院事謝深甫為儀仗使參知政事何澹為鹵
簿使簽書樞密院事葉翥為橋道頓遞使繼而改韓侂胄
胄為橋道頓遞使 十二月八日詔朕初郊禮成五使
依例加恩外在法合得墳守特許指占下等寺院一次
不以為例 四年八月二十六日待御史陸峻言祭祀
行於宗廟神祇不可不致其嚴故先事以戒期齋宿而
就列警其職者有誓糾其慢者有官如是而敬事之誠
者今彼差之官多有託疾避免而臨時通攝者幾年至

如國忌行香有經年勉赴一二者何其敢為慢易若是
即廢禮玩法莫此為甚謹按御史臺彈奏格應朝宴及
祠祭官或國忌日稱疾不赴者皆牒入內內侍省差人
押醫官診視詐妄者彈奏六參及釐務望參官為朝參
連三次請假一歲通計五六次者與外任差遣欲望申
嚴前項令格以儆有位從之 六年八月二十五日以
明堂命右丞相謝深甫為大禮使知樞密院事兼參知
政事何澹為禮儀使簽書樞密院事陳自強為禮衛使
少師永興軍節度使充萬壽觀使平原郡王韓仇曾為
禮儀器使昭化軍節度使開府儀同三司充萬壽觀使
吳璩為禮頓使 嘉泰三年八月二十五日以郊祀大

禮命右丞相陳自強為大禮使太師永興軍節度使充
萬壽觀使平原郡王韓仇胄為禮儀使知樞密院事兼
參知政事許及之為儀仗使參知政事費士寅為鹵簿
使同知樞密院事張孝伯為橋道頓遞使 開禧二年
七月二十七日以明堂大禮命太師平章軍國事韓仇
胄為大禮使右丞相陳自強為禮儀使知樞密院事張
巖為儀仗使參知政事李壁為鹵簿使吏部侍郎兼權
吏部尚書楊炳為橋道頓遞使 嘉定二年八月四日
以明堂大禮命知樞密院事兼參知政事雷孝友為大
禮使參知政事婁機為禮儀使參知政事樓鑰為儀仗
使同知樞密院事章良能為鹵簿使簽書樞密院事宇文

紹節為樓道頓遞使 嘉定五年二月二十八日臣僚
言竊見朝廷每遇祠事所差行事官雖本之以朝士然
必以在部及寓居雜流之人參焉多至十之五少亦三
之一雜然如十指之不齊窺其容貌率皆塵俗視其舉
動類多乖野夫食祿於朝仕於京局與府縣之官不為
少矣何至乏才究其所以蓋所差非盡出於吏部之手
率是符給空名付之游手尋覓寄居等官施行填鑿授
之者有定價得之者不過苟微潤而圖鋪吸當受誓之
日隨衆一來臨期襍被託宿齋宮一夕而去其所謂齋
者懵不知為何事國家備犧牲粢盛之屬不敢闕一將
以昭假神示以來福祿顧使苟微潤圖鋪吸者周旋其

間禮意失矣望戒吏部今後只從在朝及見任釐務等
官差委祠事遇郊祀年分典禮盛大執事者衆方許於
在部官內選擇儀莊端正容止可觀者與祭其餘廢老
與雜流出身一切住差庶幾禮敬無不足之患矣從之

五年九月二日以郊祀大禮命右丞相史彌遠為大
禮使知樞密院事兼參知政事雷孝友為禮儀使參知
政事樓鑰為儀仗使同知樞密院事章良能為鹵簿使
簽書樞密院事宇文紹節度橋道頓遞使 六年正月
六日臣僚言士夫弛慢之弊祠祭率多避免受誓既畢
猶復告假丞郎以上罕有被差親故黃緣有終歲而不
預臨期通攝或一人而兼數職乞下吏部差官行事以

京官選人分置兩簿香自尚左侍左郎官掌管自上而
下周而復始繳送御史臺銷注以防不均又其差及到
部官良以為苦蓋外方之士裹糧赴調或遇雨雪沾濕
寒凜之際大為狼狽兼請出祭服必用竹身文字抵當
併乞下吏部止就在京職事局務等官內輪流差委不
必更及參選待次之人從之 七年十月十三日臣僚
言朝廷大祭一歲三十有四中祀九小祀三太廟朔祭
薦享奏告不與焉典禮崇重無不備至被差行事官臨
時託故請假者過半太常吏綿蕤差見在者通攝一員
至攝三兩員職事禮官稀疎極為不肅乞令所屬令後
行事官臨時請假者仰御史臺太常寺差到吏人具姓

名申臺部不理本月當差人數次月再差行事如實有病患事故權與給假次日御史臺審實庶幾禮文整肅仰副陛下至誠感神之意從之 八年八月六日以明堂大禮命右丞相兼樞密使史彌遠為大禮使參知政事鄭昭先為禮儀使簽書樞密院事曾從龍為儀仗使吏部尚書李大性為鹵簿使禮部尚書范之柔為橋道頓遞使 十年三月七日臣僚言檢御史臺彈奏格應祠官不恭及器服禮料不如法者彈奏又誓戒云各揚乃職敢有不恭邦有常刑臣三月三日李春出大祀大辰適與監祭初據太常寺修寫進胙奏狀係臣與攝光祿卿大常寺主簿黃民望連銜具奏績因然獻官請假

通攝別換奏狀卻係太官令監臨安府都稅院蔡戎攝
光祿卿與臣連銜臣即索上通攝單子點對乃是民望
擅令人吏改請通攝初無公文辭免臣照得民望職隸
容臺豈不知祠祀為國之大事務在嚴肅顧乃規避拜
跪私易一監當選人攝事與臣連銜具奏非惟失事神
之敬抑且失尊君之義臣職當彈奏乞將民望罷黜以
為祠官不恭者之戒從之 十一月二日臣僚言國之
大事在祀配以祖宗又祀之至重者也謹按中興禮書
五禮新儀及太常寺條具祠祭合差行事官窠目格式
照得本朝每歲大祀雖多而以祖宗配饗者有七除正
月上辛祈穀孟夏雩祀季秋合祀上帝并夏日至祭皇

地祇冬至祀昊天上帝凡此五祀皆以宰執充初獻其亞獻則差禮部尚書侍郎或闕依次輪差別曹長貳次給舍諫議外有正月上辛祀感生帝立冬日後祭神州地祇合差禮部尚書侍郎太常卿少闕聽報祕書省長貳充初獻其亞獻則差太常卿少禮部郎官或闕差五曹郎官又闕差太常丞其終獻及執事官皆照班列以次輪差若局務監當皆不與焉以此可見祀天祭地為重故以祖宗為配所差獻官必先宰執侍從而後卿監郎曹伏見今月十二日為立冬日後祭神州地祇前二日奏告太宗皇帝而所差掌誓泣誓初獻官乃以尚書侍郎為職有妨互相推避類差郎官及監丞博士攝

之尊卑不稱輕重不等甚非所以仰副陛下交神明盡誠敬之義也乞下太常寺吏禮部今後祠祭合差行事官寺監丞簿已下從吏部左選依議差攝卿監已下郎官已上從太常寺具申尚書省點差取有感生帝神州地祇兩祀係以太祖太宗為配其初獻掌誓涖誓官乞依前五祀亞獻所差禮部長貳體例如有故或闕即依次輪差別曹長貳或給舍諫議充攝仍並照卿監體例具申尚書省一併點差庶免臨期妄有推託而陛下尊崇祀典之意不為具文從之 十一年七月五日臣僚言恭惟陛下純誠篤實生於內心嚴恭寅畏俱非外飾臨御以來於今二紀一歲常祀三歲大祀靡神不舉靡

祀或闕四孟朝享拜跪煩勞而不以為彈烈風驟雨而不以為少止或慶雲翔飛於壇壝之次或陰霾頓散於默禱之餘聖君在上一誠對越如此其至在位百辟莫忍負之乃今有未昏應者可不有以戒敬之已受誓戒或預宴樂齋宿祠宮或至聚飲喧譁笑語無所裁制息惰偃蹇見於動容以至胥贊樂工之徒習於褻慢升歌方作而罇俎之間或竊酒饌燎瘞未終而禮器燈燭為之一空似此不虔何以迨陛下格於神明之誠欲望下臣此章頒爾百司各令尊守自今已後受誓戒不得輒預宴樂齋宿祠宮不得聚飲喧譁隸使不得竊取酒饌瘞燎未畢不得遽撤禮器燈燭如或違戾許御史臺

一一彈奏寘之典憲從之 十一年八月四日以明堂
大禮命右丞相兼樞密使史彌遠為大禮使參知政事
鄭昭先為禮儀使簽書樞密院事曾從龍為儀仗使吏
部尚書李大性為鹵簿使戶部尚書薛極為橋道頓遞
使 十四年八月十四日以明堂大禮命少保右丞相
兼樞密使史彌遠為大禮使知樞密院事兼參知政事
鄭極先為禮儀使同知樞密院事宣繒為儀仗使簽書
樞密院事俞應符為鹵簿使吏部尚書兼權戶部尚書
薛極為橋道頓遞使

全唐文

宋會要 郊祀御札

乾德元年八月一日內出御札曰王者誕膺駿命光啟鴻圖罔不升中於泰壇昭祀於上帝著諸令典是謂彛章朕自撫中區行周四載稼穡既聞於豐稔邦家屢集於休祺豈涼德之升聞感茲多祐蓋上穹之降鑒錫我小康得不祇率前文躬行大禮式辰奉先之志虔申報木之誠用答天庥且符人欲朕以今年十一月十六日有事於南郊宜令所司各揚其職務從省約無至煩勞諸道州府不得以進奉為名輒有率斂庶遵儉德以奉嚴禋中外臣僚當體予意先是有司言通禮以冬至日

祀園邱今歲十一月二十九日冬至國家初行郊祀近
晦日乞改用十六日乃從之而下詔是後親郊御劄唯
裁制變革則備載二日詔曰中原多故百有餘載禮樂
儀制不絕如綫方今天下無事時和年豐神神報本資
乎備物執事者所宜講求遺逸遵行典故無或廢墜以
副我寅恭之意於是宰臣范質等相與討尋故事時官
籍散落舊史皆物故惟得後唐天成中南郊鹵簿字圖
考以今文頗為踈略其相違戾者亦多質等參定新本
曰南郊行禮圖質自為序乙未上之凡壇壝牲器玉帛
醴饌齋戒之制與祠官定儀以聞

六日太常禮院言皇帝親祀南郊諸司應奉預申嚴辦

城

鹵簿儀仗

部兵

鼓吹樂懸登歌

太常寺

車輅

太僕寺

六軍儀仗

左右金吾仗

六軍諸衛左

芳亭鳳輦

香燈腰輿

織扇

殿中

省立金雞擊鼓

將作監

祭器朝祭

服諸法司物

少府監

府皇

帝

帝通天冠絳紗袍袞冕服鎮圭拂翟殿上扇

宣德

明德

門外太廟南郊齋宮百官幕次郊壇棘成青板城靷盆

開封府

昇寶令史贊者牙版位版

門下

百官班次前資致

仕官諸方客使進奉僧道耆壽蕃客陪位

御史臺四方館為舊寺

崇元殿明德樓太廟御幄大次郊壇絲樓席褥蠟燭

司皇帝位版行事位版

太常禮院

南郊壇眾星位版并刻漏

時辰

司天

開啟宮門

皇城司

仗馬

司官

修撰儀注

移牒

諸司詳定儀仗法物殿庭并太廟南郊壇贊引行事儀

全唐文

使司太常禮院南郊壇太廟城門外并沿路輓祭供備逐處禮

料築盛

光祿寺太常寺太僕寺太府寺將作監少府監司農寺司天臺宗正寺街尉寺祕書省

從

之十一月二日太常禮院言唐韋緇為太常卿知禮儀

事又杜鴻漸楊綰並以太常卿為禮儀使其職一也準

儀注以禮儀使贊導而開元禮合用太常卿今請並置

分左右前引從之十二日命皇弟開封尹匡義克南郊

御營使殿前都指揮使韓重贇為儀仗都總管殿前都

虞候楊義副之自後親郊增置行宮使四人青城內至

郊壇巡檢及押儀仗新舊城裏權都巡檢使權都同巡

檢使各二人管勾大內

十三日帝宿齋於崇元殿翌日服通天冠絳紗袍執鎮

圭乘玉輅由明德門群臣夾侍鹵簿前導赴太廟五鼓
朝饗禮畢質明乘輅赴郊齋於帷宮十六日甲子服冕
服執圭合祭天地於圜邱奉禘祖配以皇弟開封尹匡
義為亞獻興元尹光美為終獻舊制皇帝升壇以禱籍
地象天之黃道帝曰朕潔誠事天不必用此命徹之自
是親郊宿齋朝饗率如儀唯變革則錄

四年七月甲子朔詔冬至郊祀

既平藉南
行報謝禮

十一月二十

六日戊午親饗太廟始用繡衣鹵簿二十七日己未合
祭員邱肆赦

四月三日合祭天地於圜邱還御五鳳樓肆赦

六年九月二十一日詔曰并汾平殄吳越來朝萬國封

疆盡稟正朔又飛蝗盡瘞霖雨頻霑稼穡咸登黎元大
慶朕以今年十一月十七日親行大禮躬詣圓壇虔伸
告謝之誠用表吉蠲之懇

九年六月二十三日詔權停封禪以其年十一月二十
一日有事於南郊畢肆赦

九月二日詔將以十一月二十日有事於南郊前祀十
日皇子許王薨有司言王薨在未受誓戒之前準禮天
地社稷之祀不廢帝疑禮有未便命宰臣於中書集公
卿詳議吏部尚書宋琪等議曰伏見先王制禮本於人
情垂為世範匪天降而地出必適變以從宜允叶大中
是為要道國家以冬至之日皇帝有事於圜邱適值親

王薨謝獻議者據禮文云天地社稷之祭並不廢竊以許王薨謝去郊禮纔十餘日詔輟十一日已後五日常朝且至尊成服百寮入慰又以今月十二十三日百僚尚書省受誓戒按令式受誓戒之後不得_而喪問疾決斷刑獄皇帝既輟朝而未成服則全與禮文百僚既受誓戒而入奉慰則又違令式所謂國家之儀盡失吉凶之制相干况在聖明所宜慎重且許王地處親賢望隆磐石於朝廷為世子於昆仲為太宗薨謝已來臣庶泣歎伏想聖情追念其可量也當悲悼慘傷之日行昭升嚴配之儀臣等竇慮上帝之不歆下民之斯惑矣今陛下瀆發精意親祀昊穹制書既已宣行大禮不可中輟

從

當更祭日庶叶通規臣等按祭天地數歲有四焉載於禮經非有差降伏請移日就來年正月二日上辛行禮祀之禮則許王之喪紀已終郊廟之吉儀獲展以家以國情禮兼申詔後琪議改用來年正月二日上辛行郊祀之禮其冬饗太廟差公卿攝事漢武以正月上辛祀甘泉園邱取齋戒自新之義

至道元年十二月十五日詔曰昨降明詔將奉郊邱取耒歲之仲春伸大報於上帝載稽方策旁求故實二月初吉蓋是中和之辰獻歲上辛合伸祈穀之典宜從改作庶叶通規朕今用來年正月十日有事於南郊先是帝語近臣凡郊饗必在合祭之日不當違經制故改用

正月上辛 二年正月己酉親饗太廟辛亥合祭天地
於圓邱肆赦

真宗咸平元年八月二日翰林學士承旨宋白等上新
畫南郊圖先是至道二年太宗令內侍裴愈石承慶於
朝元殿集畫工繪此圖命白總其事至是方畢凡為三
幅外幅列儀衛中幅輅車及導駕官人物皆長寸餘又
畫園壇祭器樂架及青城警場悉皆詳備命藏於秘府
賜白銀綵一百匹兩愈承慶各錢三萬翰林畫待詔高
元吉賜緋餘工追掌事緡錢有差王延德為行宮使為
南郊錄

景德二年七月十一日詔向來每因郊祀於京畿近州

全唐文

配率供億念茲氓庶良可矜優宜令三司未得循例施行別俟進止十一月十三日親郊前七日百官習儀於郊壇是日大雪詔改用次日習儀禮成還御乾元門召從官賜酒三行而罷帝自齋即進蔬茹至是始飲酒焉大中祥符六年八月一日詔以未春親詣亳州太清宮行朝謁之禮先於京城東郊別置壇曰日恭謝天地七年二月十六日有事於東郊九年五月一日詔以來年正月一日詣玉清昭應宮與天下臣庶恭上玉皇大帝帝聖號寶冊十日有事於南郊行恭謝之禮

三日禮儀院言諸司

每行郊禮文字皆指名郊天恐非實恭之意欲自今凡於郊禮止稱南郊九言合祭亦不得指名祀字從之

仁宗天聖二年八月十二日太常禮院言南郊合行薦

抵

候

飭
見下
寧二年
月詔書

告之禮望降所用日詔將來玉清昭應宮景靈宮太廟
同日行禮十六日橋道頓使王臻言自太廟赴郊壇
日望取舊路向西經景靈宮前過令御街直南由朱雀
門青城奏可自景靈宮成真宗饗廟畢赴青城改路由
廟南低麗景門街西合御街南出蓋不欲乘輅過景靈
宮門至是臻請始復景德舊制仍令至日差官奏告景
靈宮九月二十二日太常禮院言將來南郊只自行禮
前三日禁止京城裏外喪葬哭泣俟禮畢次日依舊例
十一月丁酉祭圓丘御正陽門赦天下天安殿上尊號
五年七月二十八日詔將來南郊除奉天地宗廟自依
典禮外其餘供應乘輿服御等物各行雅飾者令三司

相度減省務從簡約二十九日禮儀使劉筠言伏詳天
聖二年南郊制度皇帝自天安殿一日之內數次展禮
萬乘之陟降為勞百執之駿奔不暇欲乞將來南郊禮
畢別定日詣玉清昭應宮景靈宮行恭謝之禮詔送太
常禮院禮官言皇帝南郊前宿齋行禮實為煩併恭詳
前三日致齋於天安殿其赴太廟日先詣景靈宮行薦
饗之禮如太廟之儀赴太廟致齋俟南郊禮畢別擇日
詣玉清昭應宮行禮恭謝之禮從之

景祐二年十一月十四日合祭天地於圜邱三聖並侑
降壇如御小次須三獻禮畢復版位望燎還次鼓吹振
作先是帝以祖宗功德之大重配侑之典命禮官詳定

其事有司著儀以太祖定配太宗迭配今歲親郊請以
三聖侑至是壇上設太祖太宗真宗三位配祭又親揆
歌樂曲章樂以申嚴奉故事郊廟親祀上設更衣幄殿
未有小次至是禮官引周禮之文請設小次於版位少
東每獻畢降壇就小次俟三獻行禮畢復就版位詔如
所議

八月十六日御大慶殿門觀新南郊儀仗法物宰臣兩
制以上預焉十一月十八日親郊以迎江軍節度使允
讓為郊廟亞獻安化軍節度觀察留後允弼為終獻事
畢肆赦

慶曆元年十一月十五日詔免諸蕃太廟陪位其宣德

幣

門景靈宮門外及南郊壇立班如故二十日親郊詔郊壇黃道褥改用緋絹奠奠登獻畢朕更不就小次並捲去簾障以表恭事天地之意

十一月二十二日帝齋於大慶殿翌日詣景靈宮行薦饗禮畢次赴奉慈廟行躬謁之禮二十四日齋於郊宮夜四鼓合祭天地於圜邱始至壇下詔太常太樂六變無擅減節不御小次徹黃道以盡恭肅之心舊制郊禮黃道褥鋪至一級其第一級接以緋褥至神位至是盡令撤去

治平二年十一月十六日合祭天地於南郊以太祖配故事皇帝將就版位祠官回班向皇帝須就位乃復侍

臣跪講冊至御名則興至是詔以尊奉祠勿回班及興時呂公著攝太僕卿參乘為上言仁宗親祠徹黃道以登虛小次不入上皆循用之

熙寧元年二月九日翰林學士承旨王珪言準詔令兩制以上至臺諫官與太常禮院同詳定今年冬至當與未當親行郊禮謹上議曰按王制喪三年不祭唯祭天地社稷為越紼而行事傳謂不敢以卑廢尊也是則居喪而得可見天地也春秋僖公三十三年傳凡君薨卒哭而祔祔而作主特祀於主烝嘗禘於廟社預以謂親主既特祀於寢則宗廟四時常祀自當如舊是則居喪而可得見宗廟也周公稱商高宗諒闇三年不言子張

疑之以問仲尼仲尼荅云何必高宗故之人皆然高宗不云服喪三年而云諒闇三年者杜預又謂古者天子諸侯三年之喪既葬而服除諒陰以居心喪不與士庶同禮也然則服除之後郊廟之祭可勿舉乎南齊以前人君嗣位或仍前郊之年或別自為郊下有司議而王儉乃援晉宋以來皆改元即郊而不用前郊之年自漢文以來皆即位而謁廟至唐德以後亦踰年而行郊况本朝景德二年真宗居明德皇太后之喪既易月而服除明年遂饗太廟而合祀天地於園邱請冬至行郊廟之禮其服冕車輅儀物音樂緣神事者皆不可廢詔用景德故事惟郊廟及景靈宮禮神用樂鹵簿鼓吹及樓

前宮架諸軍音樂皆備而不作警場止鳴金鈺鼓角仍
罷諸軍呈閱騎隊故事齋宿必御樓警言幸後苑觀花
作水戲至是悉罷之有司言故事當謁謝於祖宗神御
殿獻享月吉禮以禮官攝詔遣輔臣仍罷詣佛寺是後
國有故皆遣輔臣

七月四日內出御札曰有天下者莫重上神之報為人
子者莫嚴宗廟之承率躬三歲之祠常候一陽之運緬
慕先聖光施冲人載循禋類之期適在諒陰之際大懼
不能備飾儀物奉將菜盛於是刺六經之文傳博士之
議皆以謂喪有以權而順變祭無以卑而廢尊矧稽恭
西漢之彘弘用景德之制顧子涼菲賴帝况臨遂卜天

正之辰往修郊見之禮方且進祈茂祉以大芘黎元昭格至精以終圖熙事庶幾能饗其敢憚勤朕以今歲十一月十八日有事於南郊咨爾攸司各揚厥職諸道州府不得以進奉為名輒行科率其百司除事神之物並宜仍舊外餘應干供奉所須務令純約以稱朕不忘孝思之義 八月詔將來南郊除祇奉天地宗廟依典禮外其餘供應乘輿服御等事件務從簡約應不須雅飭之物不得妄有申舉枉有勞費十一月十七日上齋於郊宮罷臨觀闕幸苑囿十八日昧爽合祭天地於圜邱帝至壇門却御蓋登壇黃道褥不御小次命侍祠官勿回班以益寅恭報本之意 四年楊傑為禮官識諸司

所職祠事為郊祀總要一卷

丘

七年七月二日內出御札曰王者饗帝園邱以虔報本之誼尊宗親廟以將反始之誠人道至隆國章茲重維五聖之故事謹三歲之親祠朕以不德獲承先憲以時稱秩其敢怠荒宜卜天正往修郊類庶錄精意之享以祚蒸民之生且詔先期用享群聽朕以今年十月己未有事於南郊咨爾有司各揚厥職相予祀事罔或不恭十年七月三日內出御札曰燔柴而祭泰壇執幣以事上帝陟配祖烈靈承天明永惟五聖之謀率用三年之禮顧朕菲德績時丕圖亟蒙宗廟之休衷對神祇之祐屢迪熙典訖登至平是用卜天之正考日之至致精

以嚴大報饗福而庇黎元戒以前期告于有衆朕以今年十一月甲戌有事於南郊咨爾攸司各揚迺職協成祀事稱朕志焉 十一日提點南郊事務向宗儒言準式後苑造回鸞花草牡丹一萬朵鑿枝七百五十朵請如宴式更造新樣依式賜外御營唱探軍別無應奉教駿只係收馬及擡擎乞罷給從之仍照殿前馬步軍都副指揮使已下等第益數四廂都指揮使橫行使副兩省供奉官殿頭舊無例者並特贈給

二年八月詔自今親祀奠而不酌內壝之外衆星位周圍每二步別植筍檣一綑青繩三重以為限域先是提點南郊事務向宗儒言車駕詣太廟行禮畢焚冊於齋

大字衍

殿門外禁衛於此坐甲地步狹隘而郊壇內壝之外衆星設位舊無限域乞自今於南神門外少東焚冊以筭椿綑繩為壝外之限又言冕服器用多參以今禮唯匏爵獨循古制恐未為稱又酌酒於盤嫌於裸獻恐非大神大不裸之意乞下禮官詳議至是禮院奏以為焚冊於南神門外壇壝綑繩以限星域及匏爵奠而不酌當如宗儒議至欲飾匏爵即非古按先儒義說但曰破匏為爵而不云有飾且取其自然以象天地之性故有是

詔

六年七月四日內出御札曰王者煬煙泰壇以致永天之義裸鬯清廟以嚴達孝之誠永惟五聖之謨必躬三

在唐文
歲之祀肆惟菲德獲紹丕圖賴帝博臨豐年屢應群生
和而草木茂三光全而寒暑平宜卜天正恭修郊類以
對萬周之祐以展放唐之文特戒先期用孚大號朕以
今年十一月丙午有事於南郊咨爾有司各揚厥職相
予祀事罔或不恭

哲宗元祐七年七月七日內出御札曰萬物皆本於天
顧何以報五經莫重於祭所貴者誠惟本朝郊禘之文
有列聖典章之舊朕勤遵太母之訓祇守丕基之成八
年於茲萬宇以治深惟菲德之及此實由上帝之祐民
宜修親饗之恭以盡欽承之義奠玉以致純潔升煙以
達高明嘉與臣工共圖釐事朕以今年十一月十四日

有事於南郊咨爾有司各揚厥職相予禋祀罔或不恭
九月十八日詔今歲園即宜依熙寧十年故事設皇
地祇位以申始見之禮候親祠北郊依元豐六年五月
八日指揮

時輔臣建言帝初郊特設皇地祇位以合祭帝至壇外
壇命徹蓋及內壇詔百官不回班自小次歷午階升壇
不設茵褥稽首跪奠禮畢御史言皇帝親祀南郊自誓
戒之後陰時不常十二日微雪十三日郊壇點饌亦有
大風至夜星月爛然行事之時氣和風靜宣赦之日天
色澄明其夜陰風次日大雪乃知天地神祇感應歆饗
以彰盛德乞宣付史館從之

是時宰臣至侍從
官皆進詩稱賀

紹聖三

年正月二十七日詔罷合祭 元符元年七月三日制
曰朕續承聖緒紹述先猷以微妙之身託士民之上惟
德弗類荷帝降衷錫之元符以申景命天休滋至殆弗
克堪黎民時雍西戎即叙協氣來應豐年屢臻永惟方
夏之底寧寔自穹昊之眷祐若稽大報之義蓋講宗祈
之文煬高煙於紫壇薦爵鬯於清廟庶幾祖考之格且
獲明靈之歆嘉與臣工共圖釐事亶孚有衆申戒前期
朕以今年十一月二十日有事於南郊咨爾有司各揚
乃職

徽宗建中靖國元年七月五日內出御札敕內外文武
臣僚等祭莫重於天聖人極郊邱之報德莫加於孝王

者嚴宗廟之儀朕以渺躬獲嗣丕祚莞然銜恤逮茲踰
年欽惟三歲之郊每候一陽之應稽諸禮典不以卑而
廢尊越予冲人亦惟事而師古矧德弗類賴帝降康諸
夏乂安遠人歎附四時不忒百穀用成若稽先王之猷
祇適列聖之訓順迎穀旦躬饗園壇以致靈承之心以
祈右序之貺用孚大號誕告前期朕以今年十一月二
十三日有事於南郊咨爾有司各揚厥職相予禋祀罔
或不恭 八月五日詔將來南郊權行合祭之禮二十
六日詔罷合祭政和誤於崇寧三年十一月二十六日
始載罷合祭今改正 十一月四日詔將來南郊行禮
入壇門就版位百官皆不得回班讀冊至御名勿興壇

陛徹去黃道茵褥入壇門不張蓋並如故事 十八日
帝將來親郊初自景靈宮赴太廟即雪作聖情憂軫形
之詞色乃命太官屏常膳御素食以致禱是夕雪霽及
宿齋青城星月爛然帝升壇行事凡三登三降有司請
御小次終不許秉圭立於版位以至禮畢

崇寧三年七月六日詔曰朕欽若昊天丕釐景命稽七
聖之彝訓謹三歲之親祠粵自纘圖敢忘繼志嘗率循
於典禮已祇見於郊邱寔賴顧歆益臻綏靖故七政靡
忒三農屢豐四夷咸賓九功惟叙爰念高穹之眷聿當
大報之時禮於泰壇敬稱秩於元祀侑以烈祖嚴陟配
之上儀申戒前期誕為衆聽朕以今年冬至有事於南

郊咨爾有司各揚乃職相予祀事罔或不恭十一月二十六日祀昊天上帝于圓丘前三日帝發神宗徽號于寶冊於大慶殿至郊禮畢悉如元豐三年之儀

大觀四年七月五日內出御札曰朕恭典神天嗣膺歷服永惟七聖之成憲必遵三歲之親祠爰自續承敢忘祇率嘗緝於曠禮再稱秩於明禋荷帝况臨躋世齊康乂四序咸若三農屢豐邊陲教寧民俗和豫宜順新陽之侯肆陳大報之儀裸玉以致乎孝思燔柴以達乎精意配侑烈祖對越上靈庶饗德於昊穹用均釐於寰宇其予渙號以戒先期朕以今年冬至日祀天于圓丘咨爾攸司各揚厥職相予肆祀罔或不恭以皇弟燕王侯

為亞獻越王偲為終獻

禮成上神端誠殿率且以下稱

使賜御製詩一首許

御製詩一首許

御製詩一首許

御製詩一首許

御製詩一首許

臣和

十一月十五日宰臣何執中言臣備位近司猥緣

使事陪侍親祀伏見陛下專精其德齊莊其容靡不盡禮
又如升壇入壇不回班不張蓋不設黃褥讀祝至御名
勿興之類皆已先事頌旨遵為典常其事天事神之禮
凡可以致崇奉之意者亦皆講於平時訓敕無所不盡
宿於端誠遣黃經臣傳旨諭臣以前此風靈器幣禮料
每事務在精潔臣奉詔令遣官屬親臨按視再加潔滌
翌日升壇奠獻俯降跪興皆過于恭退立壇下不御小
次畧無怠容用是神靈歆格乾清坤夷盛德之事足以
示訓乞宣付史館以傳無窮又言臣等伏見涉冬以來

率多陰晦風霾雪霰繼作連冬祀前期十日而戒天乃
晴齊車駕殿宿之旦陰雲四合抵晚微雨垂作中夜風
師盡驅纖翳黎明鑿輿順動杲日東升至朝謁原廟裸
獻太室祇見園中熙事備成天景晏溫日星明潤中外
士庶歡呼鼓舞蓋由皇帝陛下有大舜慕親之孝盡文
王事帝之心齊明誠一克舉元祀又比年以來修益政
事求合於天建皇極之道下寬大之書善繼善述無偏
無黨民情和於下天意得於上歲以有年雨暘時若熙
熙庶俗若登春臺斯足以昭聖人之能事驗天神之饗
德矣臣等備位近司親覩盛事竊自欣幸不敢但已伏
望宣付史館傳示無窮詔並從之 政和三年七月五

日內出御札曰朕惟乃聖乃神克禋克祀舉三歲之大
典不數不踈得四海之歡心以安以侑肆予菲德遵國
舊章升煙紫壇伸昭事上帝之義裸鬯清廟嚴衍我烈
祖之誠宜卜景長往修郊類俾緝熙于純嘏用敷錫於
庶民誕告前期式孚群聽朕以今年冬至日祀天于園
壇咨爾攸司各揚乃職相予祀事罔有不恭 九月七
日管幹龍圖天章等閔言舊制大禮園壇設瑞物十今
未受命玉璽篆字玉印已留禁中更不排設詔以天正
堯瑞石及天下太平瑞木代九月二十一日詔曰若昔
先王父天母地嚴恭祀事躬行而歲偏朕嗣承丕祚率
循舊章三歲一郊大賚天下祇載郊廟荷天之休罔有

不格率時昭考既草合祭之非率狃故常尚稽夏至之
禮大報天地弗及方邱夙夜以思靡違寧處夫祭不欲
數數則煩不欲疎疎則怠廢而不舉其可乎惟明與察
不敢不虔自今每遇冬大禮後祭地於方澤其儀物仗
衛應奉事悉從減省從祭臣僚與隨駕衛士量行支賜
簡而易行無偏而不舉之失以稱朕意可令禮制局裁
定以聞 十月二十一日詔冬祀大禮以道士百人執
威儀前引分列兩序立於壇下樂架左右以玉虛殿道
官以下及習學法事道士充仍執御前降付道錄院掌
管威儀今後準此十一月五日帝躬上神宗皇帝哲宗
皇帝徽號寶冊于太廟越翌日祀昊天上帝于圜中以

皇弟燕王侯為亞獻越王德為終獻九日太師蔡京等
言天神降格實為大慶乞宣付史館播告天下仍乞許
臣等稱慶內出手詔曰朕德不類獲承至尊永惟天地
宗廟之重夙夜惕厲罔或弗祇乃以冬日之至欽修肆
祀爰命有司規法三代肇造禮器體茲大道改用元圭
祇戒精專以期昭感自宮徂郊顧瞻空際天神降格輦
輅仗衛現于道左雲剝日出見之顯然稟時之對來止
耒臨非特影響形聲之應願朕何德以堪之天人之際
夫豈速哉面稽天若其敢不欽惟爾百辟卿士務脩乃
心交修罔怠用荅揚我休應可依所奏止東上閤門拜
表御製天真降臨示現記曰朕嗣承祖宗基業永惟萬

事之統有典有則流光垂祚貽厥後裔丕承祇載罔敢
墜失率時昭考追法先王休功盛烈布在天下粵自初
載於志無所不繼於事無所不述正身以齊家治內以
及外序親疎以睦族正名分以審官迪之以學校而人
倫以明導之以師儒而士類率服賓興其賢能野無遺
材敦尚以行實人不幸進鰥寡有養道無窮丐疾病有
醫民鮮橫天收山海之利商賈阜通施漏澤之惠送死
無憾以富備禮以和作樂皆祇修先烈以克用又紹述
之効彰明較著蓋黜邪見僻學之士斥罔上惑衆之言
放妨功害賢之姦故諛行不作讒言不興正論以定天
道以明是以上當天心荷天之休宗廟之靈告成厥功

元圭自至願惟寡昧豈敢自居推而上之自我神考肇
造法度克成康功涓選休辰歸美復命加上徽稱以伸
孝思罔極因心則友之義爰以冬日之至燎裡泰壇哀
對太室祇率祀事陳鼎鬯爵豆新作三代之器改執內
赤外黑十有三山之圭奠瓊玉之爵奏大晟之樂以交
神明接三靈之歡仲冬之月淑氣溫煦百駿職奔從事
以禮前期戒具罔有不虔自宮徂郊出自廟門南至玉
津朕祇慄精專無思無為願瞻東方忽見宮殿臺觀重
樓複閣半隱半現願執綏綏攸曰此是何處攸對以郊
外無樓閣惟有齋宮朕願青城在南尚遠攸時面西朕
令回視攸奏曰樓去地十餘丈半隱空際朕願雲中人

物湧出持旌持節持寶蓋持幢幡持羽扇持大枝花展
轉寢衆所持竿皆高數丈人長丈餘中有若鳳輦狀侍
衛周密可千餘人須臾日光穿透人物全體俱現行者
趨者側者正者相顧者回首者或若持簡道流或若垂
髻童子或衣朝服或冠道士大冠或黃或青或紫或紅
或淡黃杏黃或緋綠淺碧或若繡或若繪畫又有一輅
青色不類馬狀若龍虎前後擁約數千人雲氣漸開衣
紋眉目歷歷可辨幢幡飛動宛轉人亦輕揚飄舉自東
稍南回旋却由東南漸遠漸隱移刻始不見朕問倣及
侍臣劉友端張祐所見志同又諭衛士行門親從等悉
皆瞻睹嗟嘆或登御街短垣升高以望俯伏以拜朕考

載籍所記高宗之夢得說武王之夢與齡其精誠相感於寤寐恍惚之間陟降在帝左右而已未有示現若此也上天之載無聲無臭知幽明之故通神明之德以贊天地之變化非至神其孰能與於此先是辛卯六月一日夜夢至一宮殿有幢幡羽蓋旌節跪受帝訓興隆道教與今所見大槩相類夙夜震慄不敢違寧今上帝降格來止來臨顧何德以堪之夫天人相與之際其勢若高遠不可及惟德能動惟誠能格朕敢不面稽天若勵精寅畏以荅揚頌謨光顯之訓為宗廟萬民之慶政和癸巳冬至日謹記

六年七月六日內出御札曰朕祇膺駿命嗣守丕圖誕

昭報本之誠式廣奉先之孝肆遵成憲專詔親祀大闡
彌文寔興隆典萬邦作乂圜圖空虛休祥紛至荐獲平
成之治允資高厚之功求念園壇敢怠忘於元祀眷言
方澤宜修講於盛容昭格二儀陟配烈祖庶告成於熙
事庸溥被於鴻休申戒先期具孚群聽朕以今年冬日
至祀天子園壇來年夏至祭地于方澤咨爾攸司各
揚乃職相予肆祀罔敢不恭 十一月八日朝獻景靈
宮九日朝享太廟翌日己亥祀昊天上帝於園壇皇弟
燕王俟為亞獻越王德為終獻

十六詔南郊禮畢以二十五日詣景靈東宮二十六日
詣西宮次陽德觀醴泉觀仍徧詣凝祥池中大一宮佑

神觀上清儲祥宮行禮禮畢宣臣僚對御作樂賜酒五行
宣和元年七月三日內出御札曰朕席累聖之宏
基撫重熙之昌運乾健坤順夙昭春祐之休時和歲豐
茲實教寧之効布政叶陰陽之序率民同道德之歸返
方慕化而未庭逋寇畏威而款塞霄晨降嘏每從御辨
之游日觀迎釐荐閱升中之請若時報木無越親祠其
乘二至之祥載秩一純之薦祓紫陵而事上帝肅方澤
以對柔示假于太宮前謹裸將之奉侑我烈祖並嚴陟
配之常用仰達於精誠庶函蒙於丕貺誕敷文號明戒
先期朕以今年冬至祀天于園壇来年夏日至祭地
於方澤咨爾攸司各揚乃職相于肆祀罔或不恭

十一月二十七日二十八日以南郊禮畢詣景靈東西
宮行恭謝之禮 四年七月一日內出御札曰朕寅奉
燕謀丕釐景命刺六經而立制誕輯彌文洽百禮以事
神用伸美報荷儀之眷祐格四海之人寧風雨若時日
星軌道和氣協頒常之度珍祥示修德之符嘉穀屢豐
遠戎即叙茂集太平之應敢忘忘忘祀之誠是宜祇見上
帝於紫垓躬禮柔示於方澤奠蒼壁黃琮而牲幣各放
其色無雲門咸池而鍾律以諧其聲前饗太宮升侑烈
祖率循彝憲克廣孝心蘄祉福之函蒙均邇遐而敷錫
肆頒渙號明戒先期朕以今年冬至祀天于圜壇來
年夏至祀地于方澤咨爾攸司各揚乃職相予肆祀

罔或不恭

二十一日太宰王黼言仰惟陛下以將聖睿智撫御丕
圖前烈寔明士風於變休乎旁錫瑞應並臻屢豐之祥
薄海內外丙寅以日至將大報園卽有司先甲惟寅盛
容具舉丁卯宿齋大慶冬景晏溫戊辰朝獻天興殿陰
雲解剝陽景來臨薄午至廟止輦却益步入齋宮己巳
享於太廟裸鬯神考淚落霑裳祭爵冊告涕泗交墜侍
祠之臣皆惻楚感動庚午躬祀蠲吉選休百禮俱洽亞
獻既升不御小次己事而退密雪四委御樓肆侑己告
盈尺越兩晝未回雲忽霽白日朝鮮惟聖德動天昭格
如響實萬世無疆之休乞宣付秘書省許拜表稱賀從

之 七年七月四日內出御札曰朕膺二儀之眷命茂
輯純禧奉三歲之親祠式昭美報永惟普率咸底乂寧
七政順而四時和九穀登而百嘉遂燕雲沃壤悉還輿
地之圖齊魏奧區盡復良農之業宜因南北之至躬歎
園方之壇以靈承上帝之休以衷對柔祇之貺假太宮
而前饗尊烈祖以配神冀多福之函蒙俾群生而均被
肆頒大號明戒先期朕以今年冬至祀天于園壇耒
年夏日至祭地于方澤咨爾攸司各揚乃職相于肆祀
罔或不恭

二十四日太宰白時中言伏覩皇帝陛下迄用歲祥躬
修大報吉蠲齋祓夙夜惟寅謁款殊庭休氣充塞駸假

于廟祖考燕寧暨裸獻神宗佑室涕泗交頤左右之臣
靡不感動既乃御于郊次雲陰四集夜漏初下大字開
除爰升紫壇珠璧明潤胡方冬凝凜之候協景氣晏溫
之符億兆歡呼嘆所未盡蓋陛下道膺親享考通神明
精意感格慶祚無疆乞付宣祕書省手詔荅曰朕躬款
陽郊三歲大報荷天降祐景氣晏溫先期祇獻清廟既
裸之際追念罔極霜露所感人子常情何足書于太史
所請不允

高宗建炎二年七月七日内出御札曰天子必有尊斯
極兩儀之奉聖人能饗帝故膺多福之崇朕以眇躬嗣
承鴻業念險阻艱難之未濟常嚴恭寅畏而靡寧乃應

乎天維新其命兆民欣戴而無離德大將數起而少凶
年遣使交鄰庶底干戈之載戢出師蕩寇已臻枹鼓之
稀鳴頌朝廟社之復安實神祇之並貺惟世祖建武之
二載始立郊位之規而肅宗乾元之初年嘗行禋祀之
典雖屬羽檄交馳之際豈忘天地祇事之誠在古有稽
於今敢怠是用遵累朝之成憲舉三歲之親祠謁款紫
壇升侑烈祖裒萬靈而咸秩洽百禮以精禋列陳嘉蓮
聿隆大報之誼遵迎善氣均錫函生之休明戒先期誕
孚群聽朕以今年十一月二十二日郊祀天地咨爾攸
司各揚乃職相予肆祀罔或不恭 八月二十八日詔
令東京所屬官司般取起發祭器大樂朝祭服儀仗法

物赴揚州行在應副郊祀大禮 十月二十二日翰林
學士葉夢得言竊見祖宗以來天下承平中外乂安三
歲一郊大抵皆以年穀順成兵革不用為辭而主報今
者夷狄內侮盜賊尚多二聖在遠四方未寧與祖宗之
時不同則當專以寅畏惕厲陳情懇禱為辭而主所祈
昨降御札循用舊制未嘗明著此意臣以為未稱恭惟
陛下欽崇天道夙夜畏威深憫多虞冀以廓清四海者
蓋非止於此臣近因申明昊天上帝皇地祇冊文得旨
別撰己為祈辭今未合降赦書謂宜更行推廣歷叙天
下艱危之狀深自貶損明示四方無有遠近皆知陛下
為民請命以徼福於上下神示之意從之 十一月二

十二日南至皇帝祀昊天上帝園壇以太祖皇帝配先是
有司築壇于揚州南門內江都縣之東南是日駕自
常殿朝用細仗二千人詣園壇行禮如儀禮畢還行宮
十三年正月十九日禮部太常寺言國朝禮制園壇在
國之東南壇之側建青城齋宮以備車駕出郊宿齋今
欲令臨安府於行宮東南城外先次踏迹可以修建園
壇并青城齋宮去處從之先是臣寮奏請大禮復用南
郊冬祀壇陞之儀尋下有司討論至是上之

六月九日內降御札敕內外文武官寮等朕嗣膺歷服
越在東南念初載於維揚嘗肇禋於秦時深惟累聖之
成憲必尊三歲之親祠四涓路寢之筵久曠園壇之禮

今日上穹垂祐邊境休兵寇盜弭寧民俗康阜日致慈寧之孝歲收高廩之豐格此多祥敢忘大報見祖禰於諸室合邱澤之一祠嘉與臣工共圖熙事朕以今年冬至日有事於南郊咨爾攸司各揚乃職相于肆祀罔或不恭

八月三日宰執進呈有司檢舉大禮依舊例合用珠子坐褥事上曰事天以誠為主如器用陶匏之類貴其質也若惟事華麗恐非事天之本意 二十三日禮部太常寺言在京大禮前一日差官輟祭利涉門從之其後更名曰嘉會門每遇南郊率用此例二十八日禮部太常寺言南郊禮例合權罷本季內朝獻從之 九月四

日禮部太常寺言大中祥符五年恭謝玉皇應群官并
應奉人如有服制不得升殿預祀事今來郊祀大禮乞
依禮例施行從之

十月十六日詔郊祀太禮應行事執事官等務在嚴肅
如有懈怠不恭令合閤門取旨送御史臺自是每遇親
郊並降此詔二十八日宰執進呈兵部狀為行宮南門
低欲於宮門外設次皇帝乘平輦出門升輅上曰郊祀
合乘玉輦若乘輦出門恐非禮可令有司措置當乘輅
出

十一月八日親郊以安德軍節度知大宗正事士文為
亞獻揚州觀察使同知大宗事士太為終獻

九日禮部太常言伏見郊祀大禮皇帝前期齋于正殿
聖心虔誠令尚食進素膳及朝獻景靈宮朝饗太廟車
駕至逐處櫺星門外並却繳扇既入門即降輦步至齋
殿并太廟行禮酌獻詣徽宗室感咽涕泣還版位淚猶
未止有司請還小次弗許端立版位直至禮畢迨赴青
城更不乘輦步出廟門徑升玉輦逐件事迹望宣史館
以彰聖孝從之其後親郊行禮凡有聖孝事迹與夫有
司奏請祥瑞類皆宣付史館十日禮部太常寺言在京
遇大禮畢車駕詣宮觀行恭謝燒香之禮緣行在宮觀
並未曾修建欲依紹興十年明堂禮例差侍從二員行
禮從之

十六年六月一日內降御札敕內外文武臣僚等朕續承基緒既二十年荷神靈眷祐之休奉祖考典章之舊敢忘大報躬三歲之親祠備崇上儀迎一陽之協氣告虔清廟祇祓紫壇念顯相允賴於群工而助祭率資於四海肆頒孚號明戒前期朕以今年十一月十日謁款於南郊惟爾有官各揚乃職相予祀事毋或不恭十一月甲戌朝獻景靈宮乙亥享太廟丙子合祀天地於南郊以普安郡王瑗為亞獻恩平郡王璩為終獻禮成大赦天下

十九年六月十一日敕內外文武臣寮等朕荷上天之隆春紹列聖之宏規蓋嘗未明求衣夜分乃寐圖所以

柔理區夏上當天心者二紀於茲矣比年以來日當虧而雲密護歲或饑而麥有秋圉圉屢空邊境寧謐頌朕非德獲以鴻休乃卜陽至之辰祇修郊類之禮以荅在天之貺以伸報本之誠大號是孚先期以戒以今年十一月十四日謁款於南郊咨爾攸司各揚乃職相予祀事罔或不欽故茲札示想宜知悉

十二日庚寅朝獻景靈宮十三日辛卯饗太廟十四日壬辰冬至合祭天地於圜邱以普安郡王瑗為亞獻恩平郡王璩為終獻

二十三日禮部太常寺言恭覲皇帝飭精意於郊裡嚴孝思於宗廟大報成禮天人交歡舊儀乘輿直至齋殿

茲者朝獻朝饗皇帝纔至櫺星門降輦步行趨齋殿惟
謹禮設小次用備憇息以須終亞獻行禮茲者太廟園
壇酌裸畢奏請歸小次皇帝端袞疑立益加嚴恪仍宣
押樂太常卿徐其音奏勿令損節朝饗之夕至徽宗室
皇情感惻泣下沾襟內侍屢進巾帕由是侍祠百執莫
不聳動當大慶殿宿齋之初陰靄彌空垂欲下雨及皇
帝清曉駕出闔闔層陰解駁晨曦赫然逮於太廟園壇
行事之際不唯皓月流空星宿明潤乃至迴野無風萬
籟收息天氣晏溫樂聲和暢及御端門肆赦有彩雲見
於端門及直於雞竿之上都城士庶觀者如堵萬口一
詞讚嘆歡喜間有耆老或記戊申南郊之年甫期晴霽

體

氣令如春八十始有今日莫不舉手加額咸慶中興之
盛伏望敷奏宣付史館以垂無窮又太史局令胡平言
今月十二日聖駕詣景靈宮行禮於十一月夜陰雲濃
厚欲將雨降至未明前皇帝登輦出內天氣開晴見帝
座及三台星体明耀是為祥應十三日卯時後陰霧四
垂至辰時後車駕至青城陰霧收斂大陽光盛又登壇
行事畧無風色燭焰不動至禮畢天氣澄肅星月明瑩
逮回鑾肆赦有紅青紅黃彩雲在上皆為祥應之象乞
宣付史館並從之上因是親製喜霽詩其序曰己巳郊
祭前夕欲雨方次宗廟雲忽開晴皆上相弼亮之勞因
成四韻青城祗謁事郊邱輔相賢勞共款留初訝密雲

低覆冒邊者霽景上飛浮氣回組豆群工泰喜入貌
萬馬秋赫赫天心允昭格協恭同德賴嘉猷時宰執侍
從而下皆和以進 十二月十四日十五日以郊祀畢

上詣景靈宮行恭謝之禮

其後並
行此禮

二十二年六月一日

內降御札敕內外文武臣僚朕承天地之成命紹祖宗
之燕謀每舉親祀以伸告報益臻隆施茂底丕平綏靖
四方悅豫形于簫勺順成百穀芬芳備於粢盛其修三
歲之禋以應一陽之氣上儀將講夙戒是孚朕以今年
十一月十八日有事於南郊咨爾攸司各揚厥職相于肆
祀罔或不恭

十一月十八日親郊以普安郡王瑗為亞獻知太宗正

合唐文

事士太為終獻

二十八年六月一日內出御札勅內外文武臣僚等朕宅天休命冀國丕圖永惟燕翼之謀尤重欽柴之祭自紹開於景運累謁款於熙壇祇荷博臨益恢隆施五兵不試既茂迪於民康百穀用成亦屢書於歲有宜候迎陽之旦載躬類帝之禋合鏘玉之和聲備潔粢之令薦庶申吉報仰達精誠資肝飭于上儀覲函蒙於多祉特敷大號明戒先期朕以今年十一月二十三日有事於南郊谷爾攸司各揚厥職相予肆祀罔或不恭 十月二十六日太常寺言大禮所用酒齋禮料什物幕次等並係臨安府應副排辦乞專委知府提領從之 十一

月二十三日親郊以普安郡王瑗為亞獻恩平郡王璟為終獻

淳熙十二年十一月二十二日南郊禮畢百僚詣端誠殿稱賀宰執內閣奉賀上曰方登壇時雨點下及奠幣玉便晴此皆上天垂祐王淮等奏陛下聖德格天欲雨而晴乃所以顯上帝臨饗之意實邦國大慶

郊祀

接前

全唐文

宋會要

孝宗隆興二年正月一日詔曰朕恭覽國史太祖皇帝
乾德元年郊祀詔書有云務從省約無至勞煩仰見事
天之誠愛民之仁所以創無疆之業垂萬世之統者在
是朕祇膺慈訓嗣守丕祚今歲冬至日當郊見上帝以
伸景命用遵皇祖之典崇儉德而戒勞民可令有司除
事神儀物諸軍賞給依舊制外其乘輿服御及中外之
費並從省約限一月除其以聞 六月六日內出御札
曰朕受太上之燕詒宅域中之廣大將迎景至初款園
丘念報本反始匪尚乎虛文而交神塞明在顯乎誠意

稽皇祖之詔令敕攸司而討論凡筮盛祭典則不改故
常若函簿賜式剛俱從省約行潦潢汙之可薦斯舉邦
奠駐胸鸞路之勿修敢勞民力庶函蒙於繁祉以大庇
于衆元豐年無恙于虫蝗斥候不驚于烽火遂成熙事
用荅鴻休大號是盼先期通戒朕以今年十一月二十
九日謁款于南郊咨尔有司各揚厥職相予肆祀罔或
不恭 十二日詔兩浙轉運副使朱夏卿充郊祀大禮
提點一行事務官依已降旨務從省約更不差置屬官
自後遇郊並同 九月五日洪适言今歲郊祀依典故
用鷺塲鼓吹外所有禮畢駕回導引振作合用軍樂端
門肆赦用宮架雅樂從之時以不作燕樂適謂軍樂雅

樂非燕樂比故有是命 十月六日詔以禮部大常寺
言郊祀行禮并前期獻饗宮廟讀冊官請至御名勿興
壇殿徹黃道祠褥入壇殿不張蓋百官不回拜御燎從
物織扇不入壇殿行禮前衛士不起居呼萬歲禮畢御
端誠殿受賀登麗正門肆赦並如紹興禮令施行自後
遇郊並同 十一日詔郊祀行事執事官等務在嚴肅
如有懈怠不恭令開門取旨送御史臺 二十二日工
部言郊祀畢回鑿依禮例賜花令導駕官並用常服合
自端誠殿稱賀畢簪花導駕至麗正門權去花俟肆赦
立班訖自祥曦殿簪花從駕至德壽宮上壽仍簪花從
駕還內從之 乾道元年正月一日親郊以王子鄧王

情為亞獻慶王愷為終獻 同日執政同班奏事于後
陛上宣諭宿齋曰大雪及饗景靈宮太廟圓丘幸得晴
霽禮成錢端等奏曰斯實陛下誠意格天昨日學士院
故添入赦書蒙批旨不許上曰朕正不欲自言端禮等
奏曰陛下聖德謙冲非臣等淺局所量容退具奏乞宣
付史館上曰可 是日宰相陳康伯等奏臣等恭覩郊
祀大禮皇帝宿齋之日通夕大雪聖心憂勤昭格上下
翼日天宇開霽雲物清明正月朔旦有事圓丘星緯粲
然和氣充塞上帝溥臨允彰德應尋准學士院咨報欲
於赦文內具載其實即具奏聞蒙宸翰批不許宣告仰
惟陛下謙冲退託休祥嘉應不以自居小心翼翼根于

誠明至于躬執圭幣自初獻燭燎不還小次拱立惟謹
昏人君之至德也臣等叨陪近列獲觀盛事鋪張宏休
揚厲顯績乃其職分欲望特許宣付史館以垂示萬世
從之 二十一日二十二日以郊祀畢上詣景靈宮行
恭謝之禮翼日將詣太一宮恭謝燒香值雨令宰執分
詣自後並行此禮 三年六月五日內降御札曰朕祇
紹慶圖躬承睿訓謂天地父母禮莫大于親郊而尊祖
敬宗誼尤嚴于陟配載卜一純之薦荐修三歲之祠消
選休成庶幾宴享賴穹昊之敷祐格宸宇之教寧五穀
昏熟為大有年丕顯皇登之祐兩國之民若一家子益
惇信睦之規眷惟並况之多敢後思文之報爰盼渙號

中飭先期朕以今年十一月二日謁款于南郊咨尔攸
司各揚乃職相予肆祀毋或不恭 九月六日禮部太
常寺言今年郊祀前一日朔祭乞依禮例權停從之
十九日太常少卿王淪等言郊祀大禮并前一日朝顯
景靈宮前一日朝饗太廟合用祭器乞依每歲祀祀委
本寺官監視于祠前一日嚴加洗滌監察御史親行檢
察其果實等前期令臨安府精擇新好入庫各以祠前
一日令光祿丞同太官令監市令司等以香水淨滌烘
焙是日圓壇神位七百七十一所其監視收徹禮料等
官乞免赴瑞誠殿稱賀立班並從之 十月一日詔郊
祀祭器果實並用香水滌濯令都大提舉主管李綽林

肇躬親監視務安嚴潔 二日親郊以皇子慶王愷為
亞獻恭王惇為終獻 六年六月九日內出御札曰朕
欽奉詒謀嗣膺令緒蒙天地之况顧故怠于靈承席祖
宗之休尤不^志畏于抑畏思報本反始之道屬持盈守成
之時惟三歲之親祠候一陽之應氣狀廟室以祇見即
郊丘而克禋義取合祛禮嚴陟配念茲熙事當救攸司
要當一純二精務盡吉蠲之饗蓋為羣黎百姓匪專服
御之華與悉至懷先期中戒朕以今年十一月六日竭
款于南郊咨尔百官各揚乃職相予肆祀罔或不恭
七月一日詔車駕陞玉輅詣青城餘金輅等從徒諸色
人毋得喧雜令都大提點并幹辦排連法駕鹵簿儀仗

官王琪等專一差人編欄無色號人毋得放入 十一
月六日親郊以皇太慶王^子愷為亞獻恭王惇為終獻
九月臣僚言郊祀前陰雨連日自皇帝致齋酌獻景靈
宮天宇澄霽霏煙瑞霧環繞殿楹回鑿太廟又雨已而
復霽明日車駕如青城亦晴道旁觀瞻甚盛未幾雲煙
霏微凍雨遂作將祭之夜駕幸大次更依數星燁然現
于雲表及登壇樂作四郊雲陰尚盛獨歲星中天雲光
燭路禮成不雨行禮之次差官巡仗至城門雨大霽獨
泰壇無有祥異卓然實聖上黃恭祇畏格于上下天意
昭荅乙宣付史館以彰聖德從之 九年三月四日率
執進呈郊祀除事神儀物諸軍賞給外餘並省約上

曰可戒諭有司前雖有例戒約多是文具今郊須要從
實節約可逐一具條聞奏禮部太常寺條具如前郊

六月八日內降御札曰朕紹中興之鴻烈受太上之燕
謀謂三歲一郊消選休成而並况故九州四海函蒙祉
福以常期方啟率于雋章將復稱于元祀矧荷兩儀之
祐丕承烈聖之休農扈屢豐戎軒載戢崇禮樂而四遠
嘉夙俗之再淳玉卮每奉于親闈美化遂形于海宇兵
足食足而百姓足聲和形和而萬物和祇候新陽度修
大報肆預頒于一札庸誕告于百工朕以今年十一月
九日謁於南郊咨尔攸司各揚乃職相予肆祀罔或
不恭 十月一日太常寺言郊祀并前二日朝獻景靈

宮前一日朝饗太廟皇太子亞獻參酌典故乞前祀十日質明詣太廟齋坊受誓戒參照開寶通禮及乾道逐次禮例其日早二刻開麗正門以俟右丞相一員掌誓依禮例立班及將來宿齋欲依太平興國中典故第一日就本宮廳並從之六日閣門太常寺言參定皇太子立班稱賀儀制詔依所定施行仍令太常寺參照于儀注內修定閱報其儀大慶殿奏請皇帝致齋日宣贊舍人引皇太子結佩入詣大慶殿立班車駕自太廟詣青城入還內皇太子馬于駕前方圍子內導駕端誠殿受賀皇太子于殿下立班舍人通文武百僚皇太子已下起居稱賀其麗正門肆赦皇太子三公三少宰

臣親王文武百僚等樓前立班候赦書宣訖納三省班
首僚橫行立定引皇太子出班致詞 十一月詔^四日詔
郊祀禮畢端誠殿稱賀令太史局跪奏祥瑞 九日親
郊以皇太子為亞獻皇兄永陽郡王居廣為終獻 十
一日宰臣曾懷等奏郊祀禮成普天同慶兼以瑞雪應
時未明而霽以至青城宿齋園丘歲事天氣澄爽此皆
聖德昭著故高穹降格靈贖如此上曰如卿等所言然
君臣之間正當修飭以答天贖可也 淳熙三年九月
二十三日門下後省言將未郊祀大禮奏請守視八賢
導駕應奉行禮合遣外符寶郎二員依已降指揮前期
中朝廷差官權攝從之 十一月九日文武百僚赴大

慶殿奏請皇帝詣齋殿十日皇帝詣景靈宮朝獻禮畢
詣太廟宿齋十一日朝饗于太廟禮畢詣青城齋宿十
二日親郊于園壇以皇太孺為亞獻永陽郡王居廣為
終獻先是內出御札曰天也者覆載生成之德非精禋
無以伸報本之誠祖宗有光明盛大之功非陟配無以
展奉先之孝粵若累朝之定制具嚴三歲之親祠既疏
數之適中亦情文之備舉自予纂紹弥極寅恭四行邳
廟之儀久荷神天之况親庭萬壽方開七十載之祥農
晦屢豐幾有再三登之象外則邊陲之綏靖內焉民俗
之阜康顧誠感之甚昭曷宗祈之敢忘乃卜陽采之旦
載殫躬見之勤庶永祚于家邦且祝釐于夷夏誕孚羣

聽明戒先期朕以今年十一月十二日謁款于南郊咨
尔攸司各揚乃職相予肆祀罔或不恭十一月二十
二日先是內降御札曰朕纂圖丕慶撫世洪寧天神地
祇通輯明靈之顧祖功宗德嘉承懿鏗之垂維成命之
欽莫重于親祠維思文之報莫崇于陟配率秩一純之
祀順稽三歲之儀於顯合宮既荐修于大饗爰燃紫疇
宜載歲于宗祈劓農危之寢登暨遣陸之咸肅庭闈尊
奉並衍于壽祺民物協和馴臻于休應敢忘昭事展精
禋消成陽復之初拜况帝臨之祭庶交孚于上下以申
右于家邦祇戒先期誕盼明旨朕以今年十一月二十
二日謁款于南郊咨尔攸司各陽乃職相予肆祀毋或

不恭 十一月二十二日冬至祀昊天上帝車駕詣
圓壇行禮訖還青城文武百僚赴端誠殿稱賀宰執內
閣奏事上曰方登壇時雨點下及奠幣玉使晴此皆上
天垂祐王淮等奏陛下聖德格天欲雨而晴乃所以顯
上帝臨饗之意實邦國大慶 二十七日宰臣內閣奏
事賜坐上曰前日郊祀行禮時宮中簷溜已滴聞北闕
左右雨尤甚只圓壇無雨王淮等奏陛下至誠感格正
登壇時雲氣垂垂分明閣雨在半空天地百神休饗明
甚臣等不勝鼓舞 光宗紹熙元年十月十二日戶部
言諸郡合發大禮錢物已降指揮就委各州通判照舊
例窠名如數起發竊慮內有替移事故及徇情不為盡

實剝削有妨給遣之如有替移事故即交割付後官遵
依施行若日後有闕正官去處令權官主管候正官到
日交割從之 二年三月十三日詔今歲郊祀大禮令
有司除事神儀物諸軍賞給依舊制外其乘輿服御及
中外支費並從省約 以右正言孫逢吉言臣嘗于陛
下初郊之歲乞遵用壽皇隆興詔書除事神儀物諸軍
賞給外凡乘輿服御及中外支費悉從省約陛下開納
且諭臣曰園壇不尚華飾亦事天簡素之意又曰中外
支賜合從咸省有以見陛下祭祀之嚴用物之節然天
俟命旬日未聞施行夫至恭無文大禮必簡遠則藝祖
已行于建國之初近則壽皇又行于初郊之歲乞斷自

洲表一循隆興之制故有是命 四月二十六日門下
後省言郊祀大禮合以八寶陳于宮架之側禮院以八
寶不係奉神之物係乘輿儀衛請依乾道省約之制更
不排辦從之 六月七日内降御札曰内外文武臣僚
等朕躬荷詒謀仰膺眷命自贖承于統緒每畏寅于夙
宵秩禮而懷百神尤重親郊之議飭躬以奉上帝必嚴
初見之儀屬家邦福慶之方臻暨穀穡豐穰之荐告備
萬物而報本稟及其時為兆民而祈禱匪身于已肆求
盛典祇效園丘遵行三歲之常消用一陽之吉天地合
祛而臨饗祖宗升侑以綏成庶殫齋宿之心益迓休嘉
之况念惟元祀當戒先期朕以今年十一月二十七日

致謁于南郊咨尔攸司各揚乃職相予肆祀毋或不恭

十月三日詔郊祀大禮應行事執事官等務在嚴肅

如有懈怠不恭令閣門取旨送御史臺 二十一日詔

宰執拜郊支賜照逐郊體例減半外更依紹熙元年

十月二十一日已降旨揮三分減去一分 二十八日

詔令都大提舉主管黃邁甘易躬親監視滌濯祭器果

實並安嚴潔 十一月二十七日親郊于園壇為值雨

望祭殿行禮風雨大至上震懼始感疾存心錄作紹興

中 寧宗慶元三年三月十三日詔今歲郊祀大禮令

有司除事神儀物諸軍賞給依舊制外其乘輿服御及

中外支費並從節約仍疾速從寔條具聞奏

嘉泰三年
嘉定五年

並詳此

八月二十六日三省言郊祀典禮事體至重竊慮

所屬官司應奉生疎有乖儀制詔令禮部嚴行約束應奉官司遇有行禮須管預先閱習慣熟務要整肅稍有違戾重作施行十月六日禮部太常寺言郊祀大禮依禮例俟端誠殿稱賀畢皇帝服通天冠絳紗袍乘大輦遠內導駕官並朝服導駕外其餘合簪花應奉官等並合簪花至麗正門合立班官並常服俟肆赦立班畢自後殿並簪花從駕至壽康宮上壽次詣慈福宮壽慈宮朝賀畢簪花從駕還內從之二十二日禮部太常寺言郊祀大禮畢皇帝率文武百僚詣壽康宮上壽飲福稱賀係冬至日之依禮例用黃麾角仗令兵部差辦

于壽康宮殿內外排設次詣慈福宮壽慈宮如宮中之
禮從之十一月三日詔馬軍行司官兵連日排立可

依紹熙二年郊祀大禮體例使臣各持支錢三百文劾

用兵各支二貫文令戶部支給嘉泰三年如之五日詔

令歲郊祀大禮天寒應從駕諸班直親從親事官并諸

軍指揮軍兵將校等並特依紹熙二年郊禮增三分給

賜柴炭額依例折錢者聽令臨安府疾速施行嘉泰三年

五年亦十一月五日先是內降御札曰朕遵謀燕翼緒

慶鴻基天神地祇日荷博臨之况祖功宗德世垂啟佑

之光紫壇之熙莫大于精禋清廟之裸仍嚴于陟配祓

舉卜郊之重順逆步景之長稽汶上之圖昔甯堂筵之

饗奉雲陽之玉今躬鸞輅之陳宮闈茂衍于壽祺寰宇
函蒙于福澤祥占瑞政霄躔叶以潤明瑞紀金穰邊瓊
要而享謚恪涓孝奏昭益休嘉漢百官侍祠翔言共承
于黼黻周四海未祭駿奔宜謹于豆籩益迓祉于三靈
永綿芳于萬葉緝循舊典宣播先期朕以今年十一月
五日謁款于南郊洛尔攸司各揚乃職相予肆祀母或
不恭 六日宰執同班奏事京鐘奏郊祀慶成陛下中
宵升壇天宇澄肅星象粲然及御樓宣赦霜日流輝萬
姓觀瞻無不歡悅此皆陛下饗帝之誠有此感應上曰
是夜登壇風作鐘奏曰是夜二鼓後微有數點雨得此
雨遂晴上曰郊禮之成皆卿等輔贊之力鐘等又奏曰

此是聖德格天熙事備成皆再拜賀 嘉泰三年四月
二十三日左司諫兼侍講宇文詔節奏伏見近者四郊
闕雨上軫宸慮遣官禱祈甫頌明旨旋已感應連日決
洽農事寬憂凡我都人莫不嘆詠以為陛下聖德無我
上格天心蓋前乎講行大典親閱武事臨幸學宮薦享
原廟天日熙晴人情和豫誠所謂曰雨而雨曰暘而暘
者豈非政事云為號令賞罰俯合人心上當天心而致
然歟夫以高高在上藐然若不相及而視人心以為從
違其應如響豈不甚可畏哉願陛下念為君之匪易思
終始之難一謹之又謹天下幸甚今歲郊祀大禮僅在
數月間已降指揮務從省約正恐有司具為具文檢舉

逐郊之例不以加意欲望申飭攸司凡百所須措置預
辦嚴戒搔擾明支物價務革舊弊庶幾人心翕然以副
上天之意從之 十一月十一日先是內降御札曰朕
以眇躬仰承大統自總萬務于今十年重屋圓丘已迭
舉瘞燔之禮闕宮大室凡三修禩猷之儀荷天地之畀
休賴祖宗之垂佑陰陽順序四時調玉燭之和田疇屢
豐百穀應金穰之瑞重闡奉冊以稱慶造障寢戈而肅
清將因三歲之常式謹一純之報益殫精意匪事虛文
大號是頒先期攸戒朕以今年十一月十一日謁款于
南郊咨尔攸司各揚乃職相予肆或不恭 嘉定五年
十一月二十日先是內降御札曰朕奄宅庶邦于今七

郊祀事務一
太祖開寶
元年

閔念宗社續承之重若涉深淵雖宮庭瓊籞之微如對上帝矧當禋祀尤極嚴恭邇更中外之多虞益顯高明之垂佑銷旱蝗之孽寔格豐年洗戈甲之腥溢為蘇氣既况汜小康之效蓋從大衆之儀况嘗游饗于堂筵茲用恪修于郊類方將推筴而迎日至春瑄而見雲陽為百姓以祈敢云專鄉來諸侯之助其罔弗欽爰戒先期亶孚羣聽朕以今年十一月二十日謁款于南郊咨尔攸司各揚乃職相于肆祀毋或不恭太祖開寶元年七月十七日詔河中府寶鼎縣徙汾陰后土廟于舊廟稍南太宗太平興國四年八月十三日詔重修后土廟命河中府歲時致祭下太常禮院定其儀禮院請依先

代帝王用中祠禮 真宗景德三年三月二十七日翰林學士判太常寺李宗諤工言神州地祇壇墮迫隘不合禮文中有坑塹及車馬之迹請于黑帝齋宮北別選壇位依令式封標諸壇外墮禁耕墾杜遂命內侍同禮直官度地徙壇于方丘之西 四年正月十七日以朝拜諸陵遣工部尚書王化基乘驛詣后土廟致祭用大祀禮其祭服祭器並自京齋送 大中祥符元年九月五日以將東封議同日遣官致祭汾陰后土詳定所上言按西漢祭天子甘泉泰畤時祭也于汾陰后土後漢始定南北郊然則今之汾陰后土本漢祀地之所也將來既禋社首祀皇地祇則后土不當同日更祭又按唐

開元十二年二十年祀后土于汾陰睢上十三年封禪
不別祀望欲車駕將行遣官告祭封禪日即罷祭從之
乃命給事中馮起致祭及禮成又遣右諫議大夫薛映
祭謝十一月三十日詔凡祭天地宗廟社稷歲清者
并祭后土著在令式二年正月十三日詔少府監製
后土廟衣冠遣使奉上仍令禮官詳定制禮院上言
禮令不載后土衣冠之制今請用皇后禮衣修製從之
三年六月六日河中府言進士薛南及僧道父老千
二百九十人狀欲請車駕躬祠后土詔不允仍不許父
老赴闕七月十八日南等再詣府陳請知府屯田
員外郎楊舉正護國鎮國等軍度河中尹寧王元倕繼

有陳述詔不允二十四日文武百僚詣東上閤門上表
陳請詔答不允自是繼三上表抗請 八月一日內出
御劄曰王者膺籙受圖保邦纂極必竭誠于明察期浸
福于蒼黔朕以寡昧之姿紹龐鴻之業丕承先訓在宥
中區欽事上靈協和庶績常勵守成之戒聿丁下武之
期向者寶命自天真符錫祚荷鑒觀之垂祐登鴻率以
蒙休福應沓臻神祇訢合揚祖宗之盛烈答蒼昊之眷
懷稽增封廣禪之文追昭姓考瑞之事勒成展窠繼志
垂鴻交歡三神均息萬寓以台菲德建茲上儀匪敢違
寧益思惕勵不謂蒲坂遺耄莫部守臣稽合輿情述宣
舊典且以汾河之曲素嚴后土之祠遠貢封函繼陳勤

請載惟曠絕難議允俞復又拱著之倫扣關屢至以為
運格熙盛俗治早康野有多稔之誥遣靡羸糧之役奉
祠雝壤昭報坤元非得而辭所宜利往奏疏三上羣情
益堅恭念席廟社之慶靈被穹壤之况施陟封喬岫已
展于告虔祇穀柔祇理當于親祭爰舉歲巡之典式申
母事之誠奠集祺祥永孚黎獻朕取來年春有事于汾
陰后土咨尔掌禮之士暨于有位之臣當揚乃職禮神
珪幣致饗犧牲並務吉蠲庶伸欽奉其乘輿服御供帳
羣司勿致勞煩悉從節減應有費用皆以官物致辦不
得差擾輒借科率諸司須索非勅命州縣不得供給所
經道路無役丁夫廣有修葺仍不用香臺青繩干欄等

物諸路長吏無擅離本任赴行在仍不得以修貢助祭
為名輒有率斂兩京諸州起居章表附驛以聞 又詔
宰臣等曰朕前歲以靈真告期祕文垂脫乃升公岳以
晨明誠奠受百祥以阜九域而汾陰后土盛典闕焉雖
奉祀北郊陰禪社首瞻言雖壤久屬朕懷况元鼎親祠
開元歲事貯蠻所答方冊具存若尊卑之禮或偏則明
察之報漸廢前史所謂郊天而不祀也夫對偶之義也
朕恐茲禮未周貽譏後代昨東魯升中除奉神之外庶
事省約途中次舍務在從儉往復千里絕不擾民今蒲
津父老晏和闕庭斯亦人事所啟深符宿意當議潔蠲
用蒼景亟先是召王旦等曰謂朕覽史書見汾陰祠后

王事亦古禮也。因勅陳彭年等檢討歷代祀汾陰及廢
后土祠事。帝曰：朕以河中父老，再有陳請，復以封禪終
畢議者，得不以地遠勞費為言耶？旦等曰：陛下為民祈
福，不憚櫛沐，聖心既定，固已達于神明。帝曰：但冀民獲
豐穰于朕躬，固無所憚。故事有司上言，臣等當上表陳
請。至是，既先復，下詔是日分遣常參官告天地廟社岳
鎮海瀆。四日命翰林學士晁迥、楊億、龍圖閣學士杜
鎬、直學士陳彭年知制誥王曾與太常禮院詳定儀注。
仍命曾與內高品朱允中同製造玉冊，內殿承制李
迂訓、勾當神位祭器。是日陳堯叟等辭于長春殿。賜皂
衣鞍馬，封衣金縷帶，木幣。令至河中府先詣后土祠祭。

晉書卷一百一十五
六十三
一
告五日詔汾陰路戈獵不得侵占民田如東封之制增
通鋪卒至八千四百五十人六日以度支判官曹國權
通判河中府前知河中府楊舉正判府事秘書丞張篆
場項簽書節度觀察判官事秘書丞杜敏知寶鼎縣十
日三司言筆送汾陽物望令李士衡林特舉京朝官二
人分水陸路催督詔止令三門白放發運使河陰都監
領其事十一日詔寶鼎縣諸邑人有罪並送本府區遣
雜戶婦人不得至臨晉寶鼎縣賜汾陰給役將士緡錢
自是泉賜水陸運挽舟急脚遞鋪卒牛羊司校園軍士
緡錢茶酒時服雜稅有差十二日詳定所言車駕出京
前皇帝親告太廟如東封之禮太祖太宗並告以配神

作主之意告廟前一日命中書門下攝太尉柴告南郊
牲幣如祀禮主汾陰復命告后土廟如岱宗告至之禮
又自西京以西諸州貢物望並令赴河中府朝覲日列
于壇下並從之十七日命王旦撰后土地祇冊文趙安
仁撰太祖太宗配座冊文並兼書詳定所言告太廟祀
后土並用法駕車駕往還及離祀所行宮經西京並用
鸞駕從之三年八月十七日詳定所言車駕出京告
天地自來皇地祇只于南望郊告今緣汾陰專祀后土
地祇望別命官于北郊祭告從之十八日詳定所請獻
后土地祇樂以博安之曲為名又故事告天地皇地祇
止于南郊望告今緣親祀出京前命官柴告南郊日望

別命攝太尉于北郊本壇致告又法駕鹵簿三引內寶
鼎令河中尹望令太僕寺別造車上題榜並從之十九
日遣入內都知秦翰賁詔書茶藥詣汾陰勞陳克臬以
下仍加宴設九月再命副都知張繼能齋詔勞問宴賜
有差二十三日詔如聞汾陰路勾當官除州縣供頓外
別取索準備物宜禁止王欽若言昨東封畢收到三脊
茅除進納外猶有二十五束今汾陰祀事可以克用遣
內侍齋置上清宮嚴潔處旋命先送汾陰陳克臬言陝
州硤石縣秋隘不足以駐鑿駕兼衛兵無停止之處其
行宮望特遣使臣檢視詔以近硤石寬平之地建行宮
如迎鑿翔鑿之制二十六日陳堯叟等言相度洪流澗

移桐桑道路自高原經過初上處斗峻尋命工開修今
自靈寶縣由虢州路至函谷關却合漢武帝廟前道路
寬平已行修治徙之先是往河中有二路一由汝州浮
梁厓白徑嶺一由三亭渡黃河司天保章正賈周言二
路巖險湍迅不如出潼關過渭洛二水趨蒲津地頗平
坦雖興工不過十數里事下堯叟等請如周議而渭河
當同州新市鎮多灘磧自此稍南而西紆行十數里小
狹處可為梁又洛河上亦為浮梁直抵河中復以桐桑
舊路緣崖而行南有峭壁霖潦多摧圮乃請徙路自靈
寶縣南入虢州路至函谷關口復合漢武廟前舊路甚平
坦三十日河中府遣虞鄉縣令貽昭度部送父老僧道

進士薛南等奉迎車駕對於崇政殿帝親勞問之賜以
緡錢即令辭還近制假日閣門無辭見之例以其家遠
未特引對而遣之九月三日詔西京路行宮宜令儀鸞
司止用油幕為屋以備宿衛不須覆以蘆竹五日詳定
所言河中府河東縣伏羲神農漢文帝廟河西縣舜廟
龍門縣禹廟寶鼎縣湯廟臨晉縣周武王廟望于祀汾
陰前七日用中祠禮料致祭開封府中牟縣列子廟陝
州靈寶縣老君廟中嶽真君廟望于車駕經過日以香
幣酒果致祭鄭州靈顯王廟周嵩陵河南府偃師縣魏
文帝廟河南府周公廟新安縣後唐莊宗廟陝州胡城
縣軒轅廟閔鄉縣女媧陵中嶽啟母少姨廟濟清洛水

太行山並望以中祠禮料致祭西海北海雋于河中府
孟州望祭亦同此例仍請特詔遣官其餘十里內神祠
非功德顯赫者止令本州府設祭一品二品墳至西京
日遣官以香幣脯醢祭告詔可六日陳堯叟等言河東
轉運使陳若拙請以緡錢前蜀粟十萬由晉絳赴河中
助大禮緣比奉詔旨不得擾民其緡帛可以輕齎望令
輦送其蜀粟令絳州以秋稅就輸寶鼎縣徙之十日詳
定所言祥祭社首壇用三脊茅縮酒藉神后土壇望以
三脊茅縮酒香茅為藉徙之十一日詳定所言東封前
七日祭前代封禪帝王今檢討漢武帝宣帝元帝後漢
光武唐明皇並嘗祀汾陰望前七日祀于陛下徙之十

二日詳定所言祀后土真祿飲福登歌宮架樂章望令
學士修撰從之十七日詔有司自中駕離京至汾陰祀
前無舉樂所過州縣不得以樂人迎十八日詳定所上
祀汾陰告廟望拜及朝謁諸陵還宮恭謝太廟儀注又
言先以祀事畢難于祠宇之旁更行肆覲之禮欲望迴
至河中府朝會肆赦今準制置使奏竇鼎縣行宮前可
以建壇受朝望令依泰山朝覲壇制度興建從之十九
日命王旦撰祀汾陰壇頌王欽若撰朝覲壇頌陳堯叟
撰親謁后土廟頌初帝以御筆寫后土廟頌字亦宰相
命陳堯叟撰此頌王旦曰東封泰山銘是御制御書此
銘非臣下可為帝曰朕更不屬文堯叟未有文字不必

如此既而王欽若又上表請令堯叟撰朝覲壇頌遂詔堯叟為親謁頌而帝自製配饗銘焉二十八日詳定所言寶鼎縣行宮去睢上約九里其祠前皇帝致齋三日望止就行宮至時赴睢上其行事官前一日宿祀所更不隨駕詔從之二十九日詳定所上寶鼎縣朝覲肆赦儀注詔可十月四日詳定所言祀汾陰畢親謁后上本廟登歌靖安三曲樂章請令學士院別撰從之五日賜寶鼎縣行宮名曰奉祇前殿曰穆清後亭曰嚴慶嚴信行宮前亭曰望雲渭河橋曰省方洛河橋曰迎蹕十九日晁迥上祀汾陰親謁后上廟樂章十首詔付所司二十三日丁謂赴汾陰路計度限草十一月十日詔奉祀

官及職掌有眷已工服未闋大功已下未卒疋不得預
祀汾陰迴在路振作音樂在偃師近陵一程權止離鞏
縣日依舊十二日詳定所言祀汾陰前皇帝親告太廟
遣官告后廟元德皇太后廟前一日祭社稷其曠日饗
祭望權停告祭日請用常祀之禮獻官祭服御史監祭
從之十二月六日詳定所言參詳御史臺所奏告廟日
羣臣有服制合立班陪位與否者準職制律廟饗有總
麻已上喪遣充掌事者筭五十陪從者筭三十又準唐
郊祀錄總麻已上喪不預宗廟之祭以明吉事凶人不
干也又正元初吏部奏請既葬公除之後得許權改吉
服以後宗廟之祭此一時之事非舊典也今請依禮律

不陪廟庑不預祀事文準其禮祭天地之神不禁絰麻
已上喪者示不敢以卑廢尊也今準詔自周已上服未
滿餘服未卒哭不得預祭其立班陪位典禮無文禁止
其祀汾陰日望立班如儀從之十日帝齋于朝九殿翼
日備鸞駕至太廟服袞冕朝拜天書配奠大室行告禮
十二日以寧王元偓為河中府華州管內橋道頓遞使
資政殿大學士向敏中權東京留守龍圖閣待詔孫奭
權判留司御史臺查道權判留司尚書都省三館丁謂
為行在三司使林特副之鹽鐵判官陳靖度支判官孔
宗閔為判官度支副使盧瑛戶部副使鮑中相同勾當
留司三司事 二十二日命內侍二人殿直五人管勾

汾陰壇牲牢祭器並須禮畢天明始許收徹仍命內侍
右班副都知竇神寶左藏庫使張景宗都大提點二
十四日以簽書樞密事馬知節為行宮都總管客省使
曹利用入內都都知秦翰入內都知鄧永遷東八作使
安守忠帶御器械綦政敏並為行宮使恪苑副使趙守
倫為都監二十五日奉祀官習儀於錫慶院二十六日
詔以汾陰展禮有期大官進蔬食宰相百官三上表請
御帝膳上曰昔太祖太宗每遇郊禮皆屏葷茹朕三祀
園丘並遵行而外庭不知耳昨朕東封自戒塗即蔬食
今以羣情懇懇俟至京師即御肉味帝因作奏元庇民
述以示王旦等又詔禁扈從諸色人燔藝道路草木二

十九日侍御史知雜事趙湘言親事汾陰請依園禮置
土訓纂錄所經州縣山川古迹風俗繼日間奏從之三
十日詳定所言車駕往還至西京並上東五鳳門勘箭
麗景門勘契其金耀門不勘從之四年正月詔應汾陰
行事官及執掌人敢有懈怠者勿以赦原八日詳定所
言后土廟開石匱瘞坎望令於祀前七日內擇日穿土
從之九日賜太常寺少府監升壇職掌衣服有差十日
詔應汾應陪位人並先車駕一日進發十一日帝親習
視后土儀于崇德殿初有司詳定止習壇上儀帝崇重
大祀乃并廟庭及封后匱儀徧肄習焉十七日命樞密
直學士周起閣門祇候郭盛入內侍殿頭閻文慶編

排駕前貢奉真集賢院錢易直史館陳越祕閣校理劉
筠集賢校理宋綬修所過圖經十五日命入內都都知
秦翰提舉行在御厨翰林儀鸞司其細務悉得裁決不
須申覆二十一日詔沿路程頗窄隘處從官量減呵導
仍賜百官休假二日辨裝二十三日儀衛使已下具黃
麾仗道門威儀教坊樂奉天書出乾元門升玉輅扶持
使州從前後部鼓吹振作而行少頃帝服鞞袍御大輦
備鑿駕儀仗出京師向敏中等辭于順天門內至瓊林
苑召敏中杜鎬張秉奭及王孫已下賜酒三行京城父
老辭于苑中帝慰諭之遂改常服乘小輦即路從官窄
衣留司文武百官辭于苑門之西沿路止音樂禁扈從

官以網苦鷲禽自隨沿路父老見于行宮賜酒食茶帛

所過賜軍士緡錢

自是所至皆然

二十四日命王旦晁迥工部

侍郎馮起分告諸陵又命龍圖閣直學士陳彭年待制

王曉同詳定邀車駕詞狀二十七日帝以道出鞏洛密

近陵寢方奉祀事故陳望拜之禮二十八日至西京自

白馬寺西陞次更衣備鑿駕入大內詔常參官自新安

縣先發至陝州迎駕回日如之三十日發西京中路慈

澗頃大官始進素膳二月一日詔禁諸色人以進奉為

名私染御服緡帛及製乘輿服用之物飾以龍鳳行在

總管司凡亡命卒及貧民小竊者不須收捕再犯者準

法二日命薛映造輦水小車十乘付至三司時山路泉

深負汲者勞帝憫之俾蓮載以代其役四日駐驛陝州
賜扈駕諸班直諸軍緡錢樞密院言沿路羣官貢酒食
者望自給詠刺史已上取旨餘悉準直優賜練帛統之
五日詔執毬仗使臣百餘人如間鞍馬之弱長路匪易
今日定二十人引駕至州府即如舊仍詔沿路病馬悉
付同州沙苑監養療令羣牧司用殿最之法以膏罰之
十日王旦攝太尉誓百官于行在尚書省誓宗室于行
在中書李宗諤先主汾陰誓百官于甯陽縣是日以馮
起為考制度使趙湘副之十一日命王旦先赴汾陰告
至于后土十三日發永安鎮帝于中路頓更御大輦備
鷹駕主甯鼎縣奉祇宮陳堯叟等奏睢上羣臣下馬處

京官已上訖大卿監至睢下路口龍圖閣待制已上至
昨上諸司使已下依比品例從之十四日帝齋于穆清
殿詔赴睢上留行宮都監趙守倫在宮仍權命趙承煦
管勾行宮事以龍衛神衛兵各百人給馬知節自奉祇
宮至后土廟巡警十五日命從祀官諸司職掌濯浴遣
入內都知鄧永遷詣祠上衣服供具先是制置使潔其
室仍遣中使泣之十六日百官習儀于壇廟是夜一
鼓二籌扶持使奉天書升玉輅先赴睢上二鼓帝乘金
輅法駕繼進自縣至睢壇夾道設燎大其光如晝道
詰屈周以黃麾仗初路出廟南上以未修謁不欲乘輿
輦過其前令鑿路由廟後至是從新路至壇次翼日帝

服袞冕登壇祀后土地祇奉天書于右次以太祖太宗
配侑親封玉冊正座于玉匱配座于金匱攝太尉奉之
以降置玉匱于殿庭石匱將作監領徒封固帝還次
少頃改服通天冠絳袍乘輦謁后上廟設登歌奠獻遣
官分奠廟內諸神又至庭中視所封石匱即時還奉祇
宮鉤容樂太常鼓吹始振作是日詔改上奉祇宮號
曰太寧宮設后上聖母塑像選道士焚修木朝崇奉一
如舊制賜經度制置使陳堯叟已下襲衣金帶器幣有
差 十八日御朝覲壇受朝賀肆赦有司設宮架仗衛
文武百官諸軍將校州郡長吏蕃夷酋長四方進奉使
舉僧道老等皆在列宴羣臣于穆清殿父老于宮門賜

時服茶帛帝製汾陰二聖配饗銘河濱顯聖靈源公西
海廣潤王贊示輔臣又作七言詩賜向敏中詔以惟壇
奉祀官並如二聖配饗銘碑陰刻名五使及天書儀衛
使已下法駕內導駕官並于汾陰頌碑陰刻名后土廟
行事官並于親謁廟頌碑陰刻名扈從文武升朝官及
內殿崇班諸班都虞候已上進奉蕃客並于朝覲頌碑
陰刻名謁西嶽廟扈從官刻名廟中 二十日次河中
府賜西京河中府陝鄭二州緡錢為宴犒肴酒之費仍
賜所過州府長吏襲衣器幣有差 二十三日命周起
權知河中府王曉編排貢舉劉鋹同詳定詞狀 三月
一日次陝州詔離州日百官放沿路起居令先赴西六

六日次西京自穀水備鷺駕給從臣假二日 四月

一日車駕至自汾陰御乾元門觀甲馬歸營賜中書樞

密院休假二日百官三日扈從諸班直諸軍及所經戍

兵鋪卒諸司官健緡錢有差道病死者悉給其家帝作

西祀還京歌賜近臣繼和 五日詔汾陰后土壇令官

吏守奉勿令人至其上十六日詔睢土后土廟宜令本

殿周設欄楯民庶祈禱上拜于殿中官吏非祠祭亦勿

升殿以病王簿張立簡為廟令以河中府進士薛南為

試將監主簿以首詣闕請祀汾陰故也 十九日命內

供奉官郝昭信趙履信增葺太寧官廟並依修會真宮

例仍令周起一月一至檢校 五年七月十四日慶成

軍言太寧宮廟成知河中府周起請自今年祭照令
河中府預備禮料其后土殿司命天尊殿請如詔官吏
民庶有祈賽者無得升殿徙之六年四月六日慶成
軍言太寧宮請自清明至四月八日天慶節三元各五
日並聽士庶焚香徙之仍戒無得以酒肴入宮七年
四月十七日詔太寧宮廟每歲祀祭委慶成知軍行禮
仁宗景祐元年十月六日太常禮院言祀昊天享太
廟並中書攝事夏至祭皇地祇于方壇止以郎官行禮
天地禮同陞差兩制已上臣僚攝事禮官議曰祠令諸
大祠中祠有行事須攝者昊天上帝太廟二祀太尉則
中書門下攝司徒司空以尚書省五品攝餘大祀太尉

以尚書省四品諸司三品攝闕則兼五品宜從令文定
制詔自今夏至祭皇地祇遣大兩省以上官攝事其後
神州地祇亦遣兩制以上官攝事二年詔有司孟冬
祭神州地祇遣內臣降香春秋朝陵諸祠祈解亦然
皇祐二年八月三日詔以親享明堂罷立冬祭神州地
祇初太常禮院以黑帝及神州地祇皆當合祭于明堂
立罷立冬之祭帝以四時迎氣不可輟故止罷祠神州
地祇三年九月十七日詔太常寺皇地祇壇舊制狹
小宜如唐郊祀錄增廣之嘉祐八年十月二十八日
龍圖閣直學士司馬光言昨以大皇皇帝謚號奏告天
地宗廟社稷皇地祇止于員丘望告伏以王者父天母

地祇寓于南郊失尊卑之故欲乞遣宰臣詣北郊行事
詔太常禮院詳定既而請自今非次奏告差官專詣行
禮從之 神宗元豐元年二月六日郊廟奉祀禮文所
言古者祀天于地上之園丘在國之南祭地于澤中之
方丘在國之北其牲幣器色歌詩奏樂亦皆不同凡以
順陰陽因高下而事之以其類也漢元始間以禮樂既
各有合而禮又有夫婦共牢之文于是合祭天地以隆
一體之誼後漢之光武至魏之黃初與夫東晉元帝及
唐武后以來皆因仍之殆非所謂求神以類之意本朝
親祀上帝即設黃地祇位雖盡恭事之誠而稽之典禮
則有未合詔詳定更改禮文以聞禮官又言夏至日祭

地方丘乃典禮之正郊祀之歲不及親祀地祈即盛禮
容具樂舞遣冢宰設事于禮為宜所有親祀南郊及罷
皇地祇并徙祀位五月二日詔太常禮院速詳定以聞
至六年五月九日尚書禮部言太常寺修定郊祀之歲
夏日至皇帝親祭皇地祇于北郊方丘及上公攝事儀
畫如南郊其上公攝事唯改樂舞名不及備官其俎豆
樂架圭幣之數史官奉竹冊畫如親祀自元豐元年詳
定郊廟奉祀禮文命陳襄王存李清臣張璪黃履陸佃
何洵直楊完等討論而襄等初議或以當郊之歲冬夏
至日分祭南北郊各一日而祀徧或為園丘之旁別營
方丘而望祭或以夏至盛暑天子不可親祭改用十月

或欲親郊園丘之歲夏至日遣上公攝事於方丘議既不一上獨詔定夏至日親祀北郊并上攝事之禮為宜下禮官議定至是禮部上其儀乃詔定焉是年郊天始罷祭皇地祇并從祀位二年八月十七日詔夏至日祭皇地祇太尉用中書門下攝以祥定郊廟奉祀禮文所言昊天上帝太廟則中書大臣及宗室親王使相攝事皇地祇則以兩制大兩省行禮在輕重先後之序有所未安請皇地祇之祭太尉用中書門下攝所貴郊廟之禮各得其稱故有是詔三年六月二十八日詔祭皇地祇祝版與牲幣饌物並瘞于塢更不設燔其燎壇合除去七月二十五日詔改北郊園壇為方丘八

月十四日詔皇地祇之祭瘞牲之左髀以報陰庶合禮
意 四年十月十六日詔祭地祇以五行之神從以五
人神配仍用血祭凡四事皆從詳定郊祀禮文所請元豐六年五月
八日禮部狀太常寺修定郊祀之歲夏至皇帝親祭皇
地祇于北郊方丘及上公攝事儀詔依親祀北郊儀畫
如南郊其上公攝事唯改樂舞名及不備官其俎豆樂
懸圭幣之數史官奉冊畫如親祠

禮會

十年十一月十四日帝初郊特設皇地祇位于園丘合祭以輔臣建言故也 紹聖三年正月二十七日詔曰朕惟先王之祀天地其時物器數各以其象類求之故以陽求天祀于冬至之日以陰求地祭于澤中之丘載于典經其義明甚而合祭之論特起于腐儒之臆說歷世襲行未之有改先皇帝以天縱之大智緝熙王度是正百官禮以交神明遂定北郊親祀之儀將舉千載已墜之典雖甚盛德無以復加乃者有司不原本旨尚或因陋肆予冲人嗣有令緒仰惟先志其敢忽忘宜罷合祭今間因大禮之歲以夏至之日躬祭地祇于北郊應

緣祀事儀物及壇壝道路帷宮等宜令有司參酌詳具以聞 六月二十七日權尚書禮部侍郎黃裳等言謹按大禮前三日車駕朝獻景靈宮前一日饗太廟元豐所定北郊親祀儀稱如遇車駕赴景靈宮太廟即依大禮儀注施行其宣德門肆赦亦有已定儀注並係朝廷臨時指揮臣等參酌如不赴景靈宮太廟即親祀前二日齋於大慶殿兩宿然後詣北郊詔景靈宮太廟于三年南郊大祀已有告享之禮今北郊係間行更不躬詣景靈宮太廟前兩日止齋宿大慶殿并禮成肆赦並如南郊儀注 又言南郊青城至壇所五百一十八步自端聖園至皇地祇壇之東壇五百七十六步相去不

遠其地祇壇係國初建神靈顧饗已久元豐間有司請地祇神州並為方壇壇之外為坎詔止改園壇為方今奉親祀請下有司比類南郊增飾制度除治四面稍令低下以應澤中之制詔令禮部再詳具合用典禮深潤高廣丈尺及層級制度工部計度增飾事件以聞又言皇祐中以初行親饗明堂其樂章并鼓吹局前後部所用歌並詞臣撰進今北郊親祀亦乞詔學士院撰進從之五月二十五日禮部言太常寺新定列親祀北郊儀注乞頒付有司施行從之元符元年正月二十五日帝幸瑞聖園觀新城北郊齋宮故事郊宮悉設以暮帝其費不貲上命繕營不日而成時張惇曰齋宮金碧

相照非所以事天地也上曰三歲一郊次舍之費纒帛三千餘萬工又倍之易以屋宇一勞永逸所省多矣且齋明以事天地而為浮侈朕豈不知齋宮近在城外耳目所接何嘗有此至是臨幸引惇徧視上曰有金碧之飾乎惇惶恐謝二年六月二十七日詔曰致明察者莫重於郊丘之祀極優肅者莫嚴于祖考之薦乃者奉若猷訓憲章古昔罷合祭之請修特禮之禮將以夏日之至祇款皇祇之靈比覽有司之陳欲寢前期之告朕惟朝獻于原廟祿將于太室詎容曠歲之久不及躬祀之奉豈獨異事天之禮抑未稱饗親之誠怵惕永懷靡遑寧處其欽承于先烈用悉講于多儀匪敢憚勤庶幾

畫志將米親祀北郊前二日躬詣景靈宮朝獻太廟朝饗並依南郊儀制其紹聖三年六月二十七日朝旨更不躬詣景靈宮太廟一節更不施行 八月五日詔三省將來南郊見天地之權合祭天地于園丘 十日詔三省後次大禮親祀北郊 二十六日詔罷合祭 崇寧二年六月八日試給事中詳定編修大禮勅令鄧洵仁等言昨修建南北郊齋宿宮殿南郊曰唯宮事體如一而名稱不同令欲並稱齋宮又言北郊行禮在仲夏衛士坐甲殿庭自可聽旨給水或設幕遮映其在外仗下人馬過日色盛熱欲令就近更休俟夜涼及車駕經由即預依行方之道置甕貯水供給人兵等請著為令

並徙之六月十五日編大禮初令所言將來北郊若依南郊例百官並宿青城竊恐盛夏幕次逼窄今有廢草場地與青城及方丘相近請宰執親王使相執政侍從官六曹尚書侍郎並設次青城内餘就草場設次徙之是日又言崇寧二年五月十五日詔請司應奉人服繡單衣等令後苑作依數改造其不可造繡之物代以草畫乞依已得詔旨徙之十月二日詔差保靜軍節度觀察留後直睿思殿揚戩提舉修蓋夏齋宮戩畫圖以進詔依十一月十五日詔夏祭前一日宿方澤齋宮內殿致齋更不宿大慶殿太廟景靈宮冬祀已親祀史不行禮去乘大輦歸就齋宮解嚴故仗回易常服乘輦更不

登樓禁衛支五分衣甲十二月九日御札朕紹承聖緒
祇述先猷翕受無疆之休茂膺有秩之祐家給人足存
登康年猷貢川功殆無虛月履履平成之運實資覆載
之功瞻彼園壇已屢稱于禋祀眷茲方澤未專詔于親
郊是用稽周室之舊章遵神考之貽憲順迎夏日之至
往即國都之陰因早以求歌詩必類禮用黃琮之器樂
奏函鍾之宮昭格柔祇顯配烈祖天明地察初備講于
弥文河潤山容俾悉從于望秩庶裒諸福之物敷佑烝
民之生播告先期式孚羣聽朕以來年夏至祭地于方
澤咨尔攸司各揚厥職相予肆祀罔或不恭 四年三
月十三日詔齋宮至方壇往迴並乘大輦 十八日太

常寺言行禮前十日太宰誓導駕行事陪祀官執事人于廟堂少宰誓親王宗室于太廟今夏祭不詣太廟別無行禮執事室宗如有亞獻并陪祀宗室欲乞並赴朝堂受誓戒徙之 五月八日太常寺言天元而地黃除琮玉牲幣已用黃外欲乞夏祭方澤宮室牆圍器皿並用黃色徙之 是日詔夏祭齋宮添置四角樓著為定式今後大禮諸班直隊馬不得入齋宮皇城門止于城外六尚局不許于厚德殿內釘設幕次拘占扶廊喝探人兵止于厚德殿門外不許入殿 六月一日御製夏祭禮成神應記曰國之大莫重于祭祭之大莫重于天地天之高地之厚非高明博厚蓋不足以知之古之聖

人知幽明之故體天地之樞求諸天地必以象類求天
以陽凡麗于陽者屬之天求地以陰凡眇于陰者屬之
地陰陽異道故南北異方冬夏異時園方異位高卑異
數其器其幣其樂舞其牲牢名既不同禮亦異制冬日
之至祀天以國南之丘日月星辰皆從復日之至祭地
于郊北之澤山林川澤丘陵墳衍原隰皆從各以其類
雖聖人興不能易也逮德下衰禮廢樂壞無復大全因
時苟簡名存實廢合天地于園丘黷神害義違禮失正
歷世之王徂習故常因陋就寡曾莫之革昔我神考天
縱大德稽參三代是洽百禮乃下明詔釐而正之修墜
典于千載之後萬世允賴未遑以行哲宗嗣興繼體居

正紹述先烈命官庀秩作宮待祀于國之北有志弗遂
中外太息惟德不類嗣無疆大厯服夙夜惟勵罔敢怠
忽于志靡不繼于事靡不述興契起廢黜邪闢正惟古
是若惟大猷是經乃詔攸司舉而行之為壇澤中其制
已成得地之數廣三十有六丈取坤之成法陰之盛色
以薦黃玉之琮于求神之初因地之利用以奉兩圭之
卣于禮神之後旂常並建一維新金玉之文鞞鼎有作
皆稽古尚象之器以五月十有一日乙酉齋明盛服自
宮徂郊董風自南途不過雨而都城之內滂沱幾尺越
明日昧爽升輦就次陰雲四興天地變色駿奔執事震
登大懼朕祗戒精寺內盡其志羣臣暑服以紗朕不敢

慢被袞冕如冬服東主陟壇輕飈祿煩涼不痺著奉俎
薦牲人不跛倚洞洞屬屬若在其上告成釐事密雲不
雨而壇壝之外不遠百步帷幄車馬零蒙霑霑時之
對震于神休而羽衛多士奉輦武夫與陪祝之官顧瞻
中天陰雲開剝電光穿透有形有象若人若鬼持方執
戟鳥喙獸面列于空際見者駭愕人馬辟易傳曰地上
之園丘若樂六變則天神降澤中之方丘若樂八變則
地示出朕祇虔祀事冬則衣冠見于道左夏則鬼神駐
於雲表天神降地示出蓋非虛語既事迴鑿萬騎翼從
纖塵不興下與還宮雨遂周溥天地博臨永格米亨顧
朕何德以堪之永惟盛德休烈自我神考肇正禮典哲

宗維述克相在天眷我思成罔敢自居歸美以報陵闕
在望不遠伊迓弗獲躬行親製表文命使以告用伸孝
思罔極因心則友之意于典說造訛之人與挾姦幸福
之惡頤頽駭汗絨口結舌莫敢出氣小人于是乎消邪
正于是乎分夫能制俗者不流于俗善用衆者不牽于
衆夏際之禮行于先王而見沮于後世載在方冊而不
見信于流俗盖千有餘歲朕奮于百世之下斷而行之
迄用有成凡厥萬事其視于茲因筆以詔天下後世政
和甲午六月朔日記 七年二月四日詔以王子嘉王
楷為夏祭都大提舉行宮使 三月二十五日詔夏至
百官朝服服用紗 五月十四日皇帝祭地于方澤以

皇弟越王偲為亞獻普安羣王仲忍為終獻宣和二年五月十八日皇帝親祭于方澤 五年五月二十一日皇帝親祭于方澤程瑀又言每過祀昊天上帝依儀用禮神真玉牲平禮料差三獻官行禮所有祭皇地祇今欲並依祀昊天上帝禮例所貴祀祭一體從之

閏四月二十日禮部太常寺言夏至日祭皇地祇國朝禮設神位于壇上北方南向昨政和四年因夏祭方澤禮制局議定設皇地祇神位于壇上南方北向緣今來夏至日係于北而望日行禮即難以北向設位欲自今後夏至日祭皇地祇設位依舊例從之 國朝每歲四郊迎氣及土王日祀五方上帝以五人帝配五官三辰

郊祀事務二
太祖皇帝
乾德八年
起

七宿從祀又于正月上辛祀感生帝 太祖皇帝乾德
元年閏十二月二十八日國子司業兼太常博士龔崇
義上言皇家以大德上承正統應五行之王氣纂三元
之命應恭尋舊制存于祀典伏請奉赤帝為感生帝每
歲正月朔尊而祭之事下尚書省集議請如崇義之奏
有司酌隋制感生帝為壇于南郊高七尺廣四丈奉宣
祖陞配牲用騂犢二玉用四圭有邸幣如方色常以正
月工辛奉祀 二年十一月二十五日太常禮院言准
舊禮正月上辛祀昊天上帝以順祖配五方帝從祀又
准敕攝宗義奏請別祀赤帝為感生帝以符火德日用
工辛配以宣祖然則一日之中兩祀赤帝按祭法云祭

不欲敬故則煩煩則不恭數尚不可况同日乎且祀為
感帝尊而奉之列于徙祀降而卑之以此酌詳愈知茅
猶請于工平曰昊天徙祀之內不設赤帝一座所貴顯
特尊于感帝符不數之禮文徙之 太宗太平興國八
年十月五日詔祀土德于黃帝壇珪幣牢具如大祠制
俾祠官領之 三年十一月二十七日南郊禮儀使不
設赤帝位今緣親行祀禮其祈殺壇備設赤帝位罷感
生之祀徙之 至道元年十月十五日太常禮院言來
年正月十日工辛有事于南郊准畫日九日立春祀青
帝緣青帝徙祀郊丘望權停祭徙之 四年十二月十
六日都官員外郎同判太常禮院孫奭言立春祀黑帝

按禮文以帝高陽氏配元冥辰星三辰七宿從祀今則配帝以下皆不設席按通禮席以莞且人帝以下無取掃地之義望依禮設席又所設樽惟散樽二一以盛勺一以盛酒復不加冪按禮文黑帝配帝各六樽二罍樽實五齊獻酌之罍實三酒飲福酌之祀樽亦各別皆加勺冪冪者用御風塵祀天神以疏布為之取其質也今禮不用五齊三酒皆以酒法代之獻神飲福于禮當有差降既不加冪恐不吉蠲望自今祠祭量設犧象樽以獻神山蠶以飲福庶人神不擾尊卑有序詔太常寺與崇文院檢討許定以問判太常寺秦宗堯上言按郊祀錄天地日月五方帝九官並席以葉秸餘以莞唐制天

地日月社稷五方加禘又天地以下博著禘祫博象禘
壺禘山嶽之制凡禘加勺簠望並依與奏令光祿寺太
府寺少府監自今依禮陳設徙之 仁宗皇祐二年八
月二十五日太常禮院言今年立冬祀黑帝及祭神州
地祇緣近明堂大饗皇帝各行親獻今采皆合輟罷又
緣祀黑帝是一時迎氣之祭如徙而輟罷比之常歲却
闕一祭詔依例祀黑帝罷神州地祇祭 嘉祐元年十
一月九日集賢校理丁諷言按春秋文耀勾五帝之名
曰靈威仰赤燥怒含樞紐白招拒叶光紀今每歲奉祠
而祀文位板皆書其名今有司呼斥非所以恭神之意
于是下太常禮院議而去之 元符二年十月二十日

太常少卿曾攸言祀黑帝配以帝額頊字與神宗廟諱
同其祝文皆不迴避乞稱帝高陽氏從之 徽宗大觀
四年四月二十八日議禮局言國家崇奉赤帝為感生
帝以始祖僖祖配侑與迎氣之禮不同尊異之也而乃
祀于立夏迎氣之壇甚不稱所以尊異之意謹按禮記
郊特牲云兆于南郊就陽位也祭法云燔柴于泰壇祭
天也先儒指為周制感生帝之壇以為王者之興必感
五帝之精以生因其所感別祭尊之自曹魏後齊後周
與隋皆別壇而祭雖其制不同而各崇奉所感生之帝
正合先儒之論請于南郊別立感生帝壇依赤帝高廣
之制庶稱國家尊異之禮從之 高宗紹興元年禮部

太常寺論討孟春上辛日記感生帝以僖祖配于天慶
觀設位望祭幣依方色權不用玉正配二位每位鐺爵
豆各一實以酒補虎鬻以獻官一員行禮三年四
月十五日同封員外郎鄭士彥言立春立夏夏季夏之土
王立秋立冬祀五方帝于四郊亦祀之大者望詔禮官
講求典禮舉而行之從之時太常寺討論不用牲牢
止設一籩一豆羞獻官一員依奏告禮例行事其後比
擬舊制用禮料視感生帝

宋會要

郊祀事務三

真宗景德三年十二月十四日崇文院檢討龍圖閣侍
制陳彭年言伏觀畫日來年正月三日工辛祈穀于昊
天上帝至十日始立春緬尋歷代雖或相遵博考禮經
實非舊典謹按禮記月令正月天子以元日祈穀于上
帝注云為上辛祈穀郊祀昊天上帝又春秋傳曰啟蟄
而郊郊而後耕蓋春氣初至農事方興郊祀昊天以祈
嘉穀故當在建寅之月迎春之後矣自晉泰始二年始
用上辛不擇立春之先後齊永明元年立春前郊議者
欲遷日王儉啟云宋景平元年元嘉六年並立春前郊
遂不遷日其後吳操之又云應在立春後然則左氏所

記啟蟄而郊乃三代彝章百王不易王儉所啟郊在春
前乃後世變禮經籍無聞載詳月令正月元日祈穀則
明在正月之辛詳左氏啟蟄而郊郊而後耕則明在立春
之後參較其議煥然無疑來年正月十日立春三日上
辛祈穀斯則襲王儉之末議違左氏之明文理有未安
事當復右况陛下式嚴祀典以迓神休豈可捨周孔之
格言用齊晉之典說伏望憲章三古取則六經常以正
月立春之後上辛行祈穀之祀誕告禮官著為甲令詔
太常禮院詳定以聞禮院言按月令云正月元日祈穀
於上帝左傳云啟蟄而郊杜預云啟蟄夏正建寅之月
祀天南郊又按梁何佟之議云今之郊祭是報昔歲之

功而祈今年之福故取歲首上辛不拘立春之先後也
周人冬至於郊丘大報天也夏正又郊以祈農事故有
啟蟄之說自晉太初二年并園丘方澤同於二郊是以
一郊之中有祈有報不待啟蟄而用上辛始於此也又
云齊永明元年立春前郊王儉啟云宋景平元年元嘉
六年立春前郊則近代明例梁吳孫之又云郊應在立
春之後本院今詳禮傳正文既言建寅之月啟蟄而郊
則合在正月立春之後所用上辛不拘立春先後則後
代相承今據禮傳明文請依彭年所奏常於立春之後
正月言拜日所穀祀昊天上帝頌下所詞詠為定式從之
四年四月二十六日太常禮院祀昊天上帝於園丘

十三日立夏祀赤帝于南郊按月令立夏之日天子迎
夏于南郊注云迎夏為祀赤帝于南郊又云是月也大
雩注云春秋傳曰龍見而雩謂建巳之月陽氣盛而常
旱萬物待雨而長故祭天以祈雨龍星謂角亢也立夏
後昏見于東方又按春秋左氏傳云啟蟄而郊龍見而
雩注云雩謂建巳之月蒼龍七宿之體昏見東方萬物
始盛待雨而大故祭天遠為百穀祈膏雨也又按唐書
云夏孟之月龍星見雩五方上帝于雩壇又按五禮精
義云四月大雩帝園丘傳云龍見而雩東方角亢等七
宿昏見南方之時此即孟夏純陽之月萬物待雨而長
故必祀天序例云自周已來歲星差度今之龍見或在

五月以祈甘雨於時已晚但四月上旬卜日載詳立夏
之後倉龍昏見萬物將蕃陽氣方盛故雩祀上帝以求
甘雨即與政蟄而郊其義無殊後來唯用改朔不得節
祭于立夏之前違茲舊禮之意所云龍見或在五月於
時已晚但用四月上旬卜日苟或龍見於仲夏之時雩
祀於季春之節相去遼闊於理未周欲請今後雩祀並
於立夏後卜日如立夏在三月則待改朔後卜日庶節
氣協于純陽典禮符于舊史又按月令云季秋之月乃
命豕宰農事備收藏帝籍之收于神倉是月也霜始降
上丁用樂正入學習吹鄭玄注云為將饗帝也是月也
大饗帝正義云四月大雩以祈穀九月大饗以報功此

則季秋之月農事既終大饗明堂報茲嘉穀苟或猶未
得節尚當建酉因而卜日有屬先時欲望自今並過寒
露然後卜日或寒露在八月末則待至九月乃卜仍在
上丁之後庶符月令之文自餘諸祠祭皆叶禮令無所
改易詔從之 天禧元年十二月一日禮儀院言來年
正月十七日辛亥祈穀用立春後辛日前二日奏告太
祖一室伏緣其月十五日朝拜玉清昭應宮在致齋日
內望改用正月上辛不以立春先後立春為準即於朝
拜無礙從之

隆興二年十二月八日詔郊祀大禮可遵至道典故改
用獻歲上辛令學士院降詔詔曰朕比以軍興未遑郊

見欲消建巳之月以戒先庚之期辛消弭於外虞懼稽
遲於大報敬惟元日正得上辛合魯經啟蟄之文法周
室用駢之禮神釐可逆猶漢帝拜于甘泉祖武是絕蓋
太宗行於至道式從改卜虔舉彝章朕今以來年正月
一日有事于南郊初以近晦改卜郊日禮官討論用來
年孟夏應文武百僚將校文學進士恩例並依前郊赦
內外諸軍賞給於今年冬至日先給已令學士院降詔
至是臣僚言邊隅未安恐或親巡勞帥乞於近期行禮
故有是命

太祖乾德元年十一月十三日宿齋於崇元殿十四日
赴大廟五鼓朝饗質明赴南郊齋于帷宮十六日合祭

天地于園丘

自是親郊宿齋
朝饗率如儀

開寶元年十一月二十七

日九年四月三日並親郊

太宗太平興國三年十一

月十五日六年十一月十七日

雍熙元年十一月二

十一日淳化四年正月二日

至道二年正月十日

並親郊

直宗咸平二年十一月七日五年十一月十

一日景德二年十一月十三日並親祀南郊

大中

祥符七年二月十六日以朝謁太清宮於京城東郊置

壇恭謝天地

天禧元年正月十一日南郊三年十

一月十六日奉天書于天安殿齋于殿內翌日奉赴景

靈官薦獻于天興殿禮畢齋于太廟十八日行朝饗之

禮扶侍使等奉天書先赴青城帝齋于郊宮十九日奉

天書升壇合祭天地 仁宗天聖二年十一月十三日
五年十一月十七日 八年十一月十九日 景祐二年
十一月十四日 寶元元年十一月十八日 慶厯元
年十一月二十日 四年十一月二十五日 七年十一月
二十八日 並親祀南郊 皇祐二年詔以大慶殿為明
堂九月辛亥有事于明堂五年十一月十四日親郊
英宗治平二年十二月十六日祀南郊 神宗熙寧元
年十一月十八日合祭天地于圓丘 七年十一月二
十五日己未十年十一月二十七日並親祀圓丘 元
豐六年十一月五日丙午冬至祀圓丘 哲宗元祐七
年十一月十四日 元符元年十一月二十日並冬至

祀圓丘 徽宗建中靖國元年十一月二十三日 崇

寧三年十一月二十六日 大觀四年十月廿日 政和三年十一月十日

宣和元年十一月三日 四年十一月十五日 七年十一月十九日 並冬至祀圓丘 夏至祭

方澤 四政和七年宣和元年五年八年 先詔而祭

八月十八日 禮儀使陶穀言享廟郊天兩日行禮從祀

官前七日皆合於尚書有受誓戒自來一日之內受兩

處誓戒有虧虔潔今用十一月十六日行郊禮望依禮

文於八日先受從饗太廟誓戒九日別受郊天誓戒其

日請放朝參從之 十月十五日又言準禮例皇帝崇

元殿致齋日至郊祀日京城內及坊市禁斷凶穢不得

聞哭泣之聲禮畢仍舊詔依 十一月十三日帝宿齋
於崇元殿翌日赴太廟五鼓朝饗禮畢質明赴南郊齋
于帷宮十六日合祭天地于圓丘 六年九月十四日
南郊禮儀使言舊制皇帝致齋於崇元殿伏見乾元殿
乃正寢受朝之所宜為齋庭詔宿齋乾元殿 開寶四
年十一月冬至親郊宿齋文明殿 九年三月二十三
日中書門下言皇帝四月四日有事於南郊請前二日
致齋於天福殿詔依 四月二日辛酉京親郊齋于文
明殿 太宗太平興國三年十一月冬至親郊復齋乾
元殿 四年八月十三日詔重修后土廟命河中府歲
時致祭下太常禮院定其儀禮院請依先代帝王用中

祠禮行事官以本州長官為初獻上佐官已下為亞獻
三獻諸獻官各散齋二日於正寢致齋一日於廟所散
齋理事如舊唯不吊喪問疾不判刑殺文書不行刑罰
不預穢惡致齋惟祀事得行其餘悉斷其祭官已齋而
闕者通攝行事諸祭官至齋之日各習儀於齋所 九
年十一月十一日禮儀使扈蒙言郊祀受誓戒文武百
僚於尚書省亞獻三獻於中書其諸王如赴尚書省緣
在宮城內慮恐不及又亞獻三獻及諸王隨皇帝宿齋
未審齋於何處詔韓王元休以下三人及皇姪孫惟吉
隨亞獻於中書受誓戒仍於本官廳內宿齋
神宗熙寧元年十一月上齋於郊宮罷臨觀闕不幸死

園

故事車駕至青城少休中召從臣午後苑闕水嬉復
至端門觀太常警嚴至是上精意本祠悉罷遊觀遂
成依門闕于苑有華門禽獸十七百餘事至十年元豐
又罷去殿殿從至寶華門花磚砌道者為定制

三年六月二十八日詳定郊廟奉祀禮文所言謹按唐

開元禮并本朝開寶通用禮皇帝致齋前一日尚舍奉

御設御座於正殿西序及室內俱東西禮儀注堂東西壇謂之序至

日皇帝出自西房即御座東向又唐郊祀錄凡致齋必

東向者變聽政之位也蓋取論語齋必變食居必遷坐

殊為舛誤伏請南郊致齋皇帝自內寢居大慶殿御幄

易服有司奏中嚴外辯畢即大慶殿御座南向百官北

面再拜奏訖皇帝降就齋所更不設東房西房及御榻

東向位明堂致齋文德殿依此從之四年十月六日又

言周禮太宰之職祀五帝則掌百官之誓戒祀大神祇亦如之享先王亦如之又大司寇煙祀五帝則戒之曰泣誓百官戒于百族蓋王者奉天地祖宗之神必具百官以揚其職百官廢職則服大刑非先事聚衆以警之使失禮而入刑則亦罔人而已太宰治官所以佐王事神祇祖考獨掌誓戒者欲人之聽於一也大司寇刑官戒之日泣誓者夫禮乃入刑故也國朝沿唐制以太尉掌誓戒大尉三公官所謂坐而論道者非掌誓之任未合禮意伏請親祠命吏部尚書一員掌誓戒刑部尚書一員泣之詔從之內掌誓戒以左僕射六年正月二十三日尚書禮部言舊禮大祀前七日平明太尉誓百官

於尚書省近制親祀南郊明堂太尉掌誓戒用左僕射
闕即以右僕射以刑部書泚之今有司攝事大祀即初
獻官掌誓戒前期七日南饗讀誓文無泚誓之官又吏
部刑部官於歲時常祭皆不聯事實為闕誤臣竊惟祭
祀之有誓戒所以要之以刑重失禮也古者掌誓戒有
專官欲人之聽於一也周以大宰掌百官之誓戒謂其
為天官之長且佐王治而以大司寇泚百官戒于百族
蓋言失禮則入刑也唐以太尉掌誓戒亦緣任隆公輔
地居冢司故也周禮三公無官必兼冢宰然後可以佐
王治書曰惟周公位冢宰正百工故以大宰掌百官之
誓戒今以宰相親王執政官宗室使相郡王節度使以

上為初獻即掌戒得其職矣蓋與周冢宰唐之太尉同意自餘初獻止是禮部尚書以下既不為攝太尉而亦掌誓戒誤矣又按周禮小宰以官府之六聯合邦治一曰祭祀之聯事謂一官不能獨舉則六官共有事於此故曰官聯合尚書省六曹乃周六官之任諸祠祭以禮部為獻官以戶部兵部工部為奉俎官而吏部刑部無事於間其非所謂官聯也伏請自今大祠宰相親王執政官宗室便相郡王節度使以上為初獻行事依舊掌誓戒餘以吏部尚書或侍郎掌之蓋吏部天官之任也仍用刑部尚書泄誓闕即以侍郎並不致齋不與行事其掌誓之西別為一班亦南嚮受誓戒者獻官禮官以西

為上奉俎官以東為上分獻官立于獻官之後並北嚮
監祭使執事位自如故事親祠即依元豐四年十月六
日詔用左右僕射掌誓刑部尚書洎誓從之十一月二
日將親郊齋于大慶殿三日齋于大廟四日齋于南郊
之青城五日冬至祀天于圓丘

政和三年十一月十五日詔夏祭前一日宿方澤齋宮
內殿致齋更不宿大慶殿四年五月十二日皇帝親祭
地于方澤前期皇帝散齋七日於別殿致齋七日於內
殿一日於齋宮宣和元年十一月二十一日大府御廬
法原言頃者冬祭而天神降夏祭而地祇出闕丘方澤
雪應變異萬目咸覩曠古所未聞也國嘗下詔以其日

名天應寧貺節且禁刑殺止屠宰所以承神祇之休無所不至竊謂凡過親祠雖行事等官受誓戒及有司不奏刑投文書然其餘百司庶府及四方郡縣蓋未嘗有禁也切緣親祠之日各隨冬夏之日至與天應寧貺節每日不同伏望凡過冬祀夏祭親祠之日俾天下並止刑殺屠宰一日著之於令詔今後冬祀夏祭親祠日禁止刑殺屠宰一日高宗紹興十三年三月八日權禮部侍郎王賞等言國朝禮例每過冬祀大禮依儀皇帝齋音齋三日內一日於大慶殿一日於太廟一日於青城今唯復依紹興十年明堂大禮例並於前殿宿齋詔依祖宗禮例即不得敕造齋殿又言已得旨郊祀齋宮更不

修蓋止令計置幕殿檢會在京青城宮殿大內門曰泰
裡東偏門曰承和西偏門曰迎禧正東門曰祥曦正西
門曰景曜後門曰拱極大殿門曰端誠大殿曰端誠便
殿曰熙成將來如車駕前一日赴青城宿齋乞令儀鸞
司同臨安府豫先體倣青城制度絞縛其行事執事陪
祠官宿齋幕次亦乞排辦詔令隨宜絞縛不得侈大二
十一日太常寺言大禮依儀前三日皇帝詣大慶殿宿
齋前三日皇帝服通天冠絳紗袍乘玉輅詣景靈宮聖
祖天尊大帝行禮差侍從官分詣元天大聖后并諸殿
神御前行禮畢皇帝服通天冠絳紗袍乘玉輅詣太廟
宿齋前一日皇帝詣太廟諸室前行禮畢皇帝服通天

冠絳紗袍乘玉輅詣青城宿齋冬至日皇帝詣園壇行禮禮畢擇日恭謝景靈宮遍詣諸殿行禮從之

十一月九日禮部太常寺言伏見郊祀大禮皇帝前期齋於正殿聖心虔誠令尚食進素膳望宣付史館從之

宋會要

孝宗乾道三年月行近心大星宰執次日奏對上憂懼天戒形於玉色因言近特祭祀全不嚴肅何以感格天地可令禮官條具措置約束閏七月七日宰執以禮官定郊廟祠祭事進呈上曰訪聞致齋處多飲酒喧笑者可令監察御史須俟祠祭一切了畢方許退五年六月二十四日太常少卿林栗言朝獻行禮前一日欲令宰

執並赴尚書省宿齋或值兩分詣則行事官皆已齋戒
於禮為宜從之九年十月一日太常寺言郊祀并前二
日朝獻景靈官前一日朝饗太廟皇太子亞獻參酌典
故乞前祀十日質明詣太廟齋坊受誓戒誓文參照開
寶通禮及乾
道逐次其日早二刻開麗正門以俟右丞相一員掌誓
依禮例立班及將來宿齋欲依太平興國中典故第一
日就本官廳並從之

光宗紹興二年十一月二十四日應行事執事陪祠官
赴大慶殿奏請皇帝詣齋殿二十五日皇帝詣景靈宮
朝獻禮畢赴太廟齋宿二十六日朝饗于太廟禮畢詣
青城齋宿二十七日親郊于園壇

國朝親祭祀舉大禮公唐制置五使以宰臣為大禮使
太常卿為禮儀使御史中丞為儀仗使兵部尚書為鹵
簿使知開封府為橋道頓遞使是後太常卿中丞兵部
尚書或闕乃以學士及他尚書丞郎為之其職掌用禮
部御史臺兵部吏如故儀衛名物鹵簿使掌之儀仗使
無專掌但以中憲督察諸司如敘司則橋道頓遞使最
下國初京尹有親王為之者即升次大禮使或以大禮
頓遞併為一使真宗東封西祀皆以輔臣為五使仁宗
籍田恭謝大享明堂祫饗明堂並循用故事大中祥符
七年上玉皇聖號特宰臣向敏中次當禮儀贊導以年
者不任罄斫改命參知政事丁謂以敏中領儀仗後玄

差儀仗鹵簿使至和初用賈黯議始改正焉唐自元和以前史籍不載長慶後有禮儀使太常卿為之大禮使御史中丞為之哀帝時中丞為儀仗使而不載大禮使梁以河南尹為大禮使餘二使如舊又有儀仗法物二使以武將為之後唐以宰相為大禮使兵部尚書為大禮儀使御史中丞為儀仗使兵部侍郎為鹵簿使開封尹為頓遞使周唯以禮儀使歸太常餘如之唐有禮儀判官五代有大禮副使判官修裝法物使國朝皆不置頓遞使增橋道之名而命內臣與諸司同修飭法物云

太祖建隆四年八月二十二日以親郊命宰臣范質為大禮使翰林學士丞旨陶穀為禮儀使吏部尚書張

昭為鹵簿使御史中丞劉溫叟為儀仗使皇弟開封尹
為橋道頓遞使 乾德六年八月七日以親郊命宰臣
趙普為大禮使翰林學士丞旨陶穀為禮儀使翰林學
士王著為鹵簿使樞密直學士趙逢為儀仗使皇弟開
封尹匡義為橋道頓遞使 開寶四年七月十二日以
親郊命宰臣趙普為大禮使參知政事薛居正為禮儀
使呂餘慶為鹵簿使太子賓客權判御史臺邊光範為
儀仗使皇弟開封尹匡義為橋道頓遞使 九年正月
二十六日以西京親郊命皇弟晉王為大禮使翰林學
士李昉為禮儀使知制誥扈蒙為儀仗使李穆為鹵簿
使彰德軍節度使知河南府焦繼勳為橋道頓遞使

太宗太平興國三年八月一日以親郊命皇弟齊王廷美為大禮橋道頓遞使翰林學士李昉為禮儀使扈蒙為儀仗使知制誥李穆為鹵使傳六年親郊五使闕九年七月二十四日罷封禪親郊命宰臣宋琪為大禮使翰林學士丞旨扈蒙為禮儀使翰林學士宋白為鹵薄使賈黃中為儀仗使右諫議大夫權知開封府事辛仲雨為橋道頓遞使仍令鑄五使印先是郊裡大禮皆權借諸司印記行移文字至是始各鑄印焉 雍熙四年十月二十八日以籍田命宰臣李昉為大禮使開封尹陳元僖為橋道頓遞使翰林學士宋白為禮儀使賈黃中為鹵薄使御史中丞張宏為儀仗使 淳化三

年九月一日親郊命宰臣李昉為大禮使翰林學士承旨蘇易簡為禮儀使尚書戶部侍郎王沔為鹵簿使御史中丞王基為儀仗使開封尹許元僖為橋道頓遞使至道元年八月七日以親郊命宰臣呂端為大禮使翰林學士承旨宋白為禮儀使給事中賈黃中為鹵簿使御史中丞李昌齡為儀仗使開封尹壽王德昌為橋道頓遞使

真宗咸平二年七月十六日以親郊命宰臣張齊賢為大禮使翰林學士承旨宋白為禮儀使禮部尚書溫仲舒為鹵簿使御史中丞魏庠為儀仗使工部侍郎權知開封府魏羽為橋道頓遞使五年七月二日以親郊

命宰臣呂蒙正為大禮使翰林學士承旨宋白為禮儀使翰林侍讀學士夏侯嶠為鹵簿使御史中丞溫仲舒為儀仗使刑部侍郎權知開封府寇準為橋道頓遞使

景德二年七月十四日以親郊命宰臣畢士安為大禮使翰林學士趙安仁為禮儀使資政殿學士王欽若為鹵簿使御史中丞呂文仲為儀仗使戶部侍郎權知開封府張雍為橋道頓遞使 三年八月三日以宰臣王旦為大禮使知樞密院事王欽若為禮儀使參知政事馮拯為儀仗使趙安仁為鹵簿使知樞密院事陳堯叟為橋道頓遞使又以旦為天書儀衛使欽若安仁副之三司使丁謂為扶持使供備庫使藍繼宗為扶持都

監內侍周懷政皇甫繼明為夾侍發陝西河東兵五千人赴汾陰給役置急脚遞鋪出廐馬增驛傳 五年閏

十月三日以恭謝太廟命宰相王旦為大禮使向敏中為禮儀使樞密使同中書門下平章事王欽若為儀仗使陳堯叟為鹵簿使樞密使馬知節為橋道頓遞使故事每大禮以宰相領大禮使而禮儀等使皆署申狀東封巖上特命中書樞密院領五使汾陰亦如之至是旦言頃歲臣叨備相位欽若以下皆知樞密院參知政事今敏中洎欽若堯叟悉同平章事詢於事體頗似非宜帝曰第依近制可也 六年十月九日以朝謁太清宮恭謝天地命宰相王旦為奉祀大禮使向敏中為禮

儀仗使陳堯叟為鹵簿使參知政事丁謂為橋道頓遞使先是帝謂宰臣曰朕自封岱山祀汾陰再朝陵寢親奉高真以來已嘗恭謝天地今既謁太清欲別築壇展告謝之禮如專言太清即不見恭謝之意遂命以奉祀經度制置使為名又以旦為天書儀衛使欽若為同儀衛使謂為儀衛副使兵部侍郎趙安仁為天書扶持使九年五月三日以恭上寶冊南郊恭謝大禮使向敏中為儀仗使樞密使王欽若為禮儀使樞密副使張昊為鹵簿使曹利用為橋道頓遞使又以旦為天書儀衛使欽若為同

儀衛使兵部尚書參知政事丁謂為儀衛副使尚書右
丞趙安仁為扶侍使又以謂為修奉寶冊使恭上寶冊
參詳儀制使戶部侍郎林特為修奉寶冊副使翰林學
士陳彭年為參詳儀制副使七月命樞密直學士權知
開封府任中正為南郊橋道司事九月彭年參知政
事為天書儀衛副使參詳儀制修奉寶冊使秘書監知
禮儀院楊億為參詳儀制副使天禧三年七月十四
日以親郊命宰臣向敏中為大禮使翰林學士承旨晁
迥為禮儀使樞密直學士王曉為鹵簿使翰林學士錢
惟演為儀仗使給事中權知開封府馬元方為橋道頓
遞使仍命敏中兼天書儀衛使宰臣寇準同儀衛使參

知政事丁謂為儀衛副使李迪為扶侍使自大中祥符
後特命輔臣領五使之職至是復舊制故事三歲一親
郊不郊輒代以他禮慶賞與郊同而五使皆輔臣不以
官之高下天聖二年翰林學士領儀仗御史中丞領鹵
簿始用官次 仁宗天聖二年七月十四日以親郊命
宰臣王欽若為大禮使翰林學士承旨李維為禮儀使
翰林學士晏殊為儀仗使權御史中丞薛奎為鹵簿使
龍圖閣侍制權知開封府王臻為橋道頓遞使 故事
御史中丞為儀仗使兵部尚書為鹵簿使是後中丞兵
部尚書或闕乃以學士及它尚書丞郎為之今有中丞
而換使額非舊制也祥符中向敏中次當禮儀贊導以

年者不任罄折乃改命王欽若與丁謂以敏中領儀仗
 遂立差儀仗鹵簿使其胥吏立換頗為非便自後沿誤
 而不復改 五年七月十三日以親郊命宰臣王曾為
 大禮使翰林學士承旨劉筠為禮儀使翰林學士宋綬
 為儀仗使龍圖閣學士馮元為鹵簿使翰林學士權知
 開封府陳堯咨為橋道頓遞使八月堯咨知天雄軍以
 樞密直學士權知開封府陳堯佐代 八年七月十二
 日以親郊命宰臣呂夷簡為大禮使資政殿學士晏殊
 為禮儀使翰林學士盛度為儀仗使御史中丞王隨為
 鹵簿使翰林學士權知開封府徐奭為橋道頓遞使九
 月奭卒以樞密直學士權知開封府寇瑛代 景祐二

年七月九日以親郊命宰臣呂夷簡為大禮使翰林學士承旨章得象為禮儀使翰林侍讀學士馮元為鹵簿使御史中丞杜衍為儀仗使龍圖閣學士權知開封府王博文為橋道頓遞使寶元元年七月七日以親郊命宰臣張士遜為大禮使資政殿大學士朱綬為禮儀使御史中丞晏殊為仗使翰林學士丁度為鹵簿使權知開封府胥偃為橋道頓遞使慶厯元年七月八日以親郊命宰臣呂夷簡為大禮使資政殿學士李若谷為禮儀使權御史中丞柳植為儀仗使翰林學士承旨丁度為鹵簿使龍圖閣直學士權知開封府賈昌朝為橋道頓遞使十一月植病以翰林學士王堯臣代四年

月七日以親郊命宰臣章得象為大禮使翰林學士承旨丁度為禮儀使翰林學士宋祁為鹵簿使權御史中丞王拱辰為儀仗使翰林學士權知開封府吳育為橋道頓遞使 七年七月六日以親郊命宰臣陳執中為大禮使翰林學士楊察為禮儀使彭乘為鹵簿使權御史中丞魚周詢為儀仗使樞密直學士權知開封府明鎬為橋道頓遞使 五年七月六日以親郊命宰臣龐籍為大禮使翰林學士承旨王拱辰為禮儀使翰林學士趙概為鹵簿使權御史中丞孫抃為儀仗使端明殿學士權知開封府楊察為橋道頓遞使閏七月籍知鄆州以宰臣陳執中代 嘉祐元年五月二十八日以恭

謝天地命宰臣文彥博為大禮使劉沆為禮儀使富弼
為鹵簿使樞密使王德用為儀仗使狄青為橋道頓遞
使八月青知陳州以參知政事王堯臣代 英宗治平
二年七月六日以親郊命宰臣韓琦為大禮使翰林學
士王珪為禮儀使范鎮為儀仗使權御史中丞賈黯為
鹵簿使端明殿學士權知開封府韓絳為橋道頓遞使
是月易黯為儀仗使鎮為鹵簿使故事南郊以御史中
丞領儀仗天聖二年誤用中丞薛奎領鹵簿而又以翰
林學士晏殊為儀仗使至是用黯言而改之八月絳權
三司使以龍圖閣學士權知開封府沈道潛代黯知陳州
以翰學士馮京代 神宗熙寧元年七月十八日以親

郊命宰臣曾公亮為大禮使翰林學士承旨王珪為禮儀使翰林學士司馬元為鹵簿使權御史中丞滕甫為儀仗使翰林學士權知開封府呂公著為橋道頓遞使

七年七月十一日以親郊命宰臣韓絳為大禮使翰林學士元絳為禮儀使翰林侍讀學士陳繹為鹵簿使權御史中丞鄧綰為儀仗使天章閣待制知開封府韓績為橋道頓遞使八月元絳權三司使以右諫議大夫宋敏求代 十年七月五日以親郊命宰臣吳充為大禮使樞密直學士陳襄為禮儀使翰林學士許將為鹵簿使權御史丞鄧潤甫為儀仗使龍圖閣直學士權知開封府孫固為橋道頓遞使 元豐六年七月十三日

以親郊命宰臣王珪為大禮使尚書禮部侍郎李常為
禮儀使御史中丞黃履為儀仗使兵部侍郎許將為國
簿使龍圖閣直學士權知開封府王存為橋道頓遞使

哲宗元祐元年五月六日以明堂復命輔臣為禮儀

等使

此事南郊以宰臣為大禮使於有司並行副子餘
四使正差從臣並行詞牒至是復以輔臣為禮儀

等四使詔應下有
司文字並用別子

七年七月二十日以親郊命宰臣

呂大防為大禮使禮部尚書胡宗愈為禮儀使兵部尚
書蘇軾為國簿使御史中丞李之純為儀仗使寶文閣
待制權知開封府韓宗道為橋道頓遞使 元符元年
七月七日以親郊命宰臣章惇為大禮使權禮部尚書
蹇序辰為禮儀使御史中丞安惇為儀仗使兵部侍郎

黃裳為鹵簿使寶文閣侍制權知開封府路昌衡為橋道頓遞使 十九日詔自今大禮自禮儀使以下並命執政官乃命知樞密院事曾布為禮儀使中書侍郎許將為儀仗使尚書左丞蔡卞為鹵簿使尚書右丞黃履為橋道頓遞使徽宗建中靖國元年七月二十九日以親郊命宰臣韓忠彥為大禮使曾布為禮儀使知樞密院事將之奇為儀仗使門下侍郎李清臣為鹵簿使中書侍郎許將為橋道頓遞使十月八日清臣知大名府以將代命尚書右丞陸佃為橋道頓遞使 崇寧三年七月十四日以親郊命宰臣蔡京為大禮使知樞密院事蔡卞為禮儀使門下侍郎許將為儀仗使中書侍郎

趙廷之為鹵簿使尚書右丞吳居厚為橋道頓使八月
十二日將知河南府以挺之代命居厚為鹵簿使大觀
四年七月十日以冬祀園壇命宰臣何執中為大禮使
張商英為禮儀使知樞密院事鄭居中為鹵簿使尚書
左丞劉正夫為儀仗使同知樞密院事侯蒙為橋道頓
遞使十月十四日居中為太一宮使以門下侍郎吳居
厚代政和三年七月六日以冬祀園壇命太師魯國
公蔡京為大禮使少傅太宰何執中為禮儀使知樞密
院事鄭居中為儀仗使門下侍郎余深為鹵簿使中書
侍郎劉正夫為橋道頓遞使十二月八日以明年夏
祭方澤命太師魯國公蔡京為大禮使少師太宰何執

中為禮儀使知樞密院事鄭居中為儀仗使門下侍郎
余深為鹵簿使中書侍郎劉正夫為橋道頓遞使 六
年七月六日以今年冬祀園壇明年夏祭方澤命太師
魯國公蔡京為大禮使少保太宰鄭居中為禮儀使少
宰劉正夫為儀仗使知樞密院事鄧洵武為鹵簿使門
下侍郎余深為橋道頓遞使 十二月二十六日正夫
授開府儀同三司充安化軍節度使致仕命中書侍郎
侯蒙代為夏祭方澤儀仗使故事南北郊宗祀大禮前
期半年各降御札及命五使至是冬夏祭同一御札五
使亦同日命之 宣和元年七月九日以太師魯國公
蔡京為冬祀夏祭大禮使少保太宰兼門下侍郎余深

為禮儀使持進少宰兼中書侍郎王黼為儀仗使少保
知樞密院事鄧洵武為鹵簿使門下侍郎白時中為橋
道頓遞使 四年七月三日詔今年冬至祀天子圓
壇來年夏至祭地於方澤以少師太宰兼門下侍郎
王黼為冬祀夏祭大禮使少師威武軍節度使領樞密
院事鄭居中為禮儀使門下侍郎白時中為儀仗使中
書侍郎張邦昌為鹵簿使尚書左丞王安中為橋道頓
遞使七年七月四日詔今年冬至祀天子圓壇來年
夏至祭地於方澤以特進太宰兼門下侍郎白時中
為大禮使起復銀青光祿大夫少宰兼中書侍郎李邦
彥為禮儀使太保領樞密院事蔡攸為儀仗使中書侍

郎張邦昌為鹵簿使尚書左丞趙野為橋道頓遞使

高宗紹興四年七月一日禮部太常寺言檢會慶曆七

年禮院言郊祀國之重事百司聯職僅取濟集若居喪

被起之官悉不與事則或有妨闕但不以慘麤之容接

於祭次則亦可行今後大祭祀應有父母喪被起者依

舊不得入宗廟外其郊壇所聽權言服行職事唯不得

入通門庶協禮意亦不廢官守詔可今來大禮使宰臣

如係被起官欲依故事自領大禮使職事唯不得入殿

門其行禮日乞別差以次官通攝大禮使行禮除奏請

致齋自合立班外其受誓戒立班及致齋雖不合赴赴

又緣受誓戒致齋祀事正隸大禮使所總所有受誓戒

日本官自合入省及前三日亦合宿省治事從之先是
起復守尚書右僕射同中書門下平章事朱勝非奏自
去年四月丁母憂至八月奉制書起復竊見九月明堂
大禮宰執例差五使臣見在服制竊慮不合陪祠尋下
禮部太常寺討論故有是議

祠宗
熙寧十年三月二十二日中書門下言檢校每遇大禮
後中書選差官二員通管提點一行事務依式施行仍
許抽人吏等五人詔人吏並減半候降御札即差札即
差

此條原黏在
本卷第七十
六前半頁
光宗紹興
二年七月前

此條原黏在
本卷第七十
五頁之後半
五年一條上

光宗紹興二年十月二十八日詔令都大提舉主管黃
邁甘昂躬親監視滌濯祭器果實並要嚴潔

家會要

孝宗乾道三年十月一日詔郊祀祭器果實並用香水
滌濯令都大提舉主管李綽林肇躬親監視務要嚴潔